

DS
754
.4
L36A25
1732
v.3

鹿洲初集卷六

漳浦藍鼎元玉霖著

衡山曠敏本魯之評

序


送宮詹沈心齋先生還浙序

浙西沈心齋先生。曩以宮僚來督閩學。清公明慎。爲
去○後○之○思○乃○見○真○情○
有閩學使第一還朝者。四載矣。閩人思之甚。構祠勒
碑。用志不朽。猶云未足爲報也。歲已丑。先生以歸省。

之暇重遊閩邦。邦人士喜躍欲狂。如赤子之依父母。
日於名勝地。集良友。鋪几筵。以娛先生。先生顧而樂
之。分韻賦詩。張侯較射。登道山。望滄海。拜九賢書院。
上平遠臺。出西寺。泛舟西湖。乘風荷亭之間。凡榕城
古蹟名勝。及時人園榭亭沼。諸生無不奉以遊。遊無
不醉。以歸。如是者匝月。將行。諸生把袂牽衣。復爲強
留數日。或奉將錢幣。或解刀劍琴書竹石。玩好山蔬
野品。隻雞樽酒。各以其意致慇懃。先生雖固辭不得。
也。而興泉汀漳之士。日望先生辱臨。以壯山川之色。

忽○種○四○郡○情○景○迫○切○

可○謂○大○不○



伸○尺○寸○微○誠○者○竟○不○可○得○喁○喁○怨○慕○亦○各○携○筐○餽○驢○
寄○遙○情○于○千○里○之○外○且○囑○後○日○來○閩○無○獨○棄○我○南○州○
爲○也○好○接○法○是○時○鼎○元○家○居○去○會○城○八○百○里○倍○道○疾○趨○六○日○
造○謁○至○則○刻○期○登○舟○矣○倉○皇○再○拜○悲○喜○交○集○因○念○昔○
者○先○生○督○學○閩○南○鼎○元○獨○蒙○國○士○之○知○知○已○之○感○追○隨○三○載○丙○
戌○一○別○四○易○星○霜○曾○不○能○有○所○樹○立○以○慰○先○生○之○望○
加○以○雲○山○遼○遠○覲○面○無○由○於○今○始○得○一○見○而○招○招○舟○
子○鼓○棹○欲○西○生○非○草○木○何○能○爲○情○於○是○隨○至○武○夷○同○
行○七○百○餘○里○目○覩○先○生○所○過○富○沙○南○劍○諸○州○多○士○迎○

補入延建二郡

送權闐。慇懃款洽。不異省筆所聞於三山者。始知古人所

謂廉吏不可爲者之妄也。人當涖官據要時。雷厲風

行。何求不獲。迨事權已謝。有覲面目。不堪復對此邦

之人。卽中材以上。有恩澤於人者。事後重來。其慇懃

款洽。不過數人而已。孰能使九郡一州六十縣之衆

人人踴躍如一心哉。先生昔日在閩之苦。鼎元身親

見之。而先生毅然不回。及事竣還朝。蕭瑟難堪。愛先

生者。莫不以太自苦爲憾。觀此日之行樂乎。否耶。人

生富貴。不啻浮雲金穴寶庭。於今安在。先生雖自苦

所難

果亦人情

卽此

於一時而名且流千百世邦家之光豈獨吾黨之幸乎特恨鼎元不能同至浙西又將匆匆別去也黯然銷魂潛焉出涕未知侍側又在何日敬書數語以送先生之行。

言言從肺腑中流出可謂情文備至

下言為國懷之莫出言辭而文辭至

意止之詩

言其言用無不味詩則又五何日為善幾語以美

平神則雖入不猶同至悲西又難及然既去也歸德

然一知而各直前于其世時家之失豈辭吾黨之若

送陳少林遊吳越序

吾友陳君少林將遊吳越。嚮因質衣拮据百餘金以行。同學諸子追而送之。邑之郊餞焉。少間有執爵而言曰。拙哉先生。示富耶。寒士出門携數寸不律。襤被一囊足矣。必效富人載金而出。能遊者有幾。或曰。方今世路冰清。當道貴人不忍以財帛汚君子遊者。所至擁篲迎門。鞠躬揖讓。及其歸也。兩拜而別耳。長汀黎媿曾先生每聞遊客歸來。必問被囊在否。在則酌酒相慶。君無乃鑒于此。故預爲之備。與陳君笑未有。

以應藍子曰噫君之爲此有所爲也君昔在襁褓尊

人寓居東粵與會稽林漢冲公友善君二歲喪母尊

人以托于林未幾尊人又沒林撫君如已子教之讀

書成立及君伯氏元戎公擁旌節于粵始以君歸而

林公已卒君經紀其二喪旣復負二骸同兩尊人柩

還葬于浦林公有孫在會稽君庚寅遊越當事有餽

君金者君傾囊與之今拮据此行將爲更置桑田數

畝非漫遊之謂也或曰君家未有足食之政而遽爲

此舉人情乎陳君愀然太息徐而應之曰噫吾之爲

此○非○得○已○也○吾○少○受○林○之○恩○不○啻○父○母○向○者○尚○思○改○
葬○二○柩○還○諸○會○稽○冀○得○稍○稍○有○力○將○經○理○其○家○以○厚○
爲○報○今○年○逾○半○百○功○名○二○字○淡○若○浮○雲○筋○力○日○以○就○
衰○後○雖○欲○行○難○矣○吾○非○不○恤○吾○家○顧○念○饑○寒○吾○素○卽○
不○爲○此○亦○無○解○于○饑○寒○藍○子○曰○嗟○乎○古○道○之○不○存○久○
矣○負○恩○寡○情○皆○由○富○貴○未○有○責○及○貧○賤○者○夫○惟○吾○黨○
能○人○之○所○難○斯○世○道○人○心○賴○柱○礎○耳○君○才○具○優○長○文○
詞○古○雅○不○屑○意○于○非○道○之○富○貴○而○情○義○之○間○若○此○亦○
足○觀○矣○予○與○君○同○受○業○于○廷○尉○陳○公○閣○部○沈○公○之○門○

傳論贊大奇

霍綿排剛

竟以史

君此行將由會稽而鄞水存問吾師廷尉之家又將
忽○憶○師○門○深○情○無○限○
過浙西溯茗雪哭吾師沈公靈次為漳郡及門致諸
祭軸誄章是則予小子所傷心內慙臨風隕涕者也
稽首丐君于二師之前為予小子多一拜焉秋風瞬
息鼓棹遄歸或兼程入都就試京闈一展生平經濟
報二師平昔之望吾○主○章○法○知林公九原其喜更有大焉者
矣因書數語以送其行時庚子莫春三日也

陳君古道君子奇人奇事可以媿世情偷薄者文
亦錯落入古可稱雙絕

送林仲謙之陽曲序

仲謙如晉應沈陽曲聘也辭家七千里劍佩長征將
由粵而豫章歷江漢經鄭衛以至太原同學諸公出
邑郊三里送之得仙橋賦詩酌酒爲別仲謙意氣豪
上無黯然銷魂色斯遊也可謂壯矣秋高桂馥奪幟
燕臺春日杏花驤首王路在此行也夫士君子一舉
○負○宏○深○自○任○以○天○下○之○重○
一動必思有益於人目之所觸足之所履皆有痛癢
關心之處吾聞陽曲古晉陽地繭絲保障事在人爲
沈君賢且能必有以擇乎此仲謙經濟才長得與朝

夕談論揣摩民間疾苦晉之窮簷其麻不周乎在上
所○謂○枘○是○也○體恤一分則民受一分之賜不特物力爲然民隱尤
甚願仲謙與賢主人共存此心以爲陽曲之幸此行
爲不虛矣是爲序。

士君子一舉一動必思有益於人此聖賢經世濟
物納溝撻市胸境鹿洲初年便已如此存心如此
勉人可想見范文正公作秀才以天下爲己任也

送謝古梅太史還閩序

太史謝古梅謁告將南歸。同學榮其行也。爲詩若文。以送之。於是鹿洲藍鼎元慨然嘆曰。噫。美矣。良友之行。余亦安忍默也。顧以浮華之辭。則不能揚頌之辭。則不必離愁別緒。亦近婦孺氣。非所當言。思惟朋友之義。有善相勸。勿謂余爲迂。余亦達其情。太史曰。善。試言之。鼎元曰。太史於詩爲伯。於文爲匠。於字兼晉唐宋元諸家之長。志高而行篤。學博而才宏。今之三代士也。余惡乎言諸年少而壓羣英。排金門。典一代。

先叙太史之學一段

先將開文一筆抹却

鴻章鉅制海內方以燕許相推重忽興將母之思足
亦解趣移疾有辭今將扶筇杖趨桑梓開竹廬於道
○次○叙○還○鄉○之○樂○一○段○
山之麓板輿萊袖以林泉詩酒爲養志人生勝事無
有過於此者余惡乎言諸雖然太史好學者也行矣
○詩○多○顛○宕○只○想○出○此○一○句○
爲鄉先生請與言吾鄉之學吾鄉前哲自龜山得伊
洛之正傳歷豫章延平以及朱子斯道燦然如日月
經天淵源可得而溯也建陽游定夫與龜山同出程
門武夷胡原侯則程門之私淑也傳二子爲致堂爲
五峯而從于籍溪與劉氏屏山白水皆嘗爲朱子之

師可謂盛矣。朱子傳之蔡西山九峯黃勉齋陳北溪。

李果齋諸先生而浦城真西山又朱門之私淑也。有。

宋閩儒甲於天下爰及元明以來亦有熊勿軒蔡虛。

齋陳剩夫稍稍絕續吾儕生先儒之鄉可令鄉人不。

知先儒之學乎憶侍中丞儀封公倡開鰲峯講席爾。

時同學諸君子彬彬一堂曾幾何日遂成疇昔余不。

肖固不足道其他皆以事業功名顯於此事寂寂鮮。

聞惟蔡梁村先生一繼臯比不憚大聲疾呼以成就。

後學爲已任今仕宦於朝又無暇此太史之居則勉。

極○叙○閩○中○之○學○太○史○閩○人○自○不○應○虛○此○一○還○

主○意○

此○事○原○不○

容○易

層○層○

通○緊○太○史○不○得○寬○其○責○矣○

○

○

○

○

○

○

○

○

○

○

○

○

○

○

○

○

○

○

○

○

○

○

齋故里近鼇峯若彼其甚也余不能無厚望焉詩文

詞賦真草篆隸之學偶爾適情游藝焉則已必孳孳

矻矻日夜以求極其工則程子所謂玩物喪志者矣

太史於此數者既並臻絕頂直造古人之奧域願自

今勿復以此爲意專一心志於聖賢之學誘迪吾鄉

英偉之士使皆篤學力行人人有不自暴棄之思又

相與講求經世理物兵農禮樂之經濟使皆有體有

用達可爲國家之名臣窮勿墜閩學之宗風則太史

之功大矣俗士狃於見聞以科名利祿相矜高與之

言聖人之道則駭爲狂且愚不知道非高遠卽在人
言聖賢之學之無難爲鄉人鼓氣
倫日用之閒臣忠子孝兄友弟恭夫婦居室朋儕洽
比一舉一動皆有當然不易之則夫誰能出吾道之
範圍乎饑而食渴而飲人人皆然也而食所當食飲
所當飲卽道也異學以窈冥昏默虛空影響言道似
關異學則正學明
人生綱常倫紀之外別有憑虛髮髯之一物是以終
日言道而無可捉摸言悟道而歸于惆恍善乎朱子
之言曰道者日用事物當行之理皆性之德而具于
心無物不有無時不然所以不可須臾離也孟子曰

人能充無欲害人之心而仁不可勝用人能充無穿
窬之心而義不可勝用仁至義盡則已爲聖賢矣此
無欲害人無穿窬之心學者敢謂自己無之乎而不
敢學爲聖賢是立志欲害人欲穿窬也聖賢未嘗難
學人人皆可以勉而能而特不許浮僞者之矯托于
學○見○其閒若外談仁義而勢利若烈火之焚心貌似篤誠
而胸懷若鬼蜮之變幻此等爲吾道之害有甚于釋
老異端辭而闢之廓如夫非吾徒之責歟太史榮名
旣成蒼生未迫乘茲寬閒之歲月知必有以闡明絕

學大爲功于吾道者道固在躬行不在詞說而欲傳
之來學則不得不費詞說太史安得獨吝也禮於名
當諱卑不可以名尊賤不可以名貴然二名不偏諱
記亦有之余不敢避世俗之嫌請太史思當日父師
命名之義太史名道承當不以余言爲迂而必求名稱其實
乎吾友林洙雲績學精深踐履純篤天將使與于斯
道也是故老其才於有用不忍以科名利祿早紛其
力量而淆其志氣蓋所以待之者厚矣幸併以余言
告之

要旨

契緊

又就鄉中覓一

學名作陪

太史爲閩之人學閩之學非過求於太史也責太史以學鄉先儒而并欲其率同鄉以學鄉先儒則太史之地位既高送太史者之身分越高并同鄉之品望亦高此文之不求高而高不可及者唐宋諸大家集中亦罕見此種也

送李司諫觀察江西序

直起從聳拔

今天子重民生國計之任。慎簡名卿士爲牧伯。於是
大司諫樂亭李公承命觀察西江。綜理糧儲諸務。公
畿輔名儒爲吾師儀封先生丁酉京闈。弁冕士先生
淵源甚大以絕學屬之。戊戌捷南宮。簪筆待從。癸卯甲辰分校
禮闈者二典江南鄉試者一。所得士皆卓卓有聲。
天子方開言路。崇正直。遷公諫垣。乙巳擢都諫。天下
想望風采。將頌公爲名諫官。甫越月而又有此行。蓋
聖主愛公之深。用公之速。而西江獨蒙嘉惠。何其幸。

也。夫觀察表率守令佐制撫宣朝廷政化爲一方上

絕大議論氣味亦極雄厚

下樞軸所係甚重守令弗能其官觀察得更張之制

真切

撫弗便于民觀察得匡救之依阿詭隨無所建白則

曉曉者易缺盡細玩斯

負當宁簡任盛心若有意自表孤貞稜稜圭角亦非

語

協恭和衷同舟共濟之道膺斯任者良難矣況糧儲

仁人之言

民生命脉國家本計取於下者畱不盡之脂膏藏諸

官者絕侵漁之雀鼠管蕭流亞乃足以與于斯

天子知公精明渾厚有經世理物之才不得不暫移

股肱耳目爲民閒調燮元氣公之行也正已率屬以

匹夫納溝爲已任有體有用不隨不激展布歲月之
閒當必大有可觀者余與公雲泥迴隔而所學同師
亦有榮辱相關之誼不自覺舉手加額爲吾道幸也
抑吾聞西江多君子鹿洞遺風於今猶昨公得無有
儀封師之志乎振興絕學長育人材所以報
聖天子知遇爲百年民生國計造無疆之休豈區區
目前云爾哉於其行書以送之

提出絕學爲師門張幟瀝膽披肝掃盡腐詞其氣
味之醇古固應求之秦漢之閒

送勞尊三令昭文序

吾友漢陽勞尊三以詩若文雄江漢壯歲捷南宮或
尼之因困滯未得行所志乙巳秋中

天子以江南財賦重地新析蘇松閒十三邑政繁局
創非才長行卓不足以勝厥任於是宰相薦其能而
尊三得昭文以去昭文距姑蘇未百里分常熟故邑
之半似無難治然歲徵租賦較貴州一省尚加其倍
有奇草昧初開百務創始一日精神當周數世以後
爲之亦良難矣且邑令者民之父母也父母於子養

之教之燠寒疾苦事事關心豈徒催科云爾哉然江
南所重首在催科晝夜敲扑號呼達旦歲未能完十
之六七雖有卓魯不暇煖席此其閒豈盡民頑亦爲
之未得其道也余聞江南之弊○微○賦○之○法○首○在○清○冊○惟在冊籍不清戶無
真名畝無真額其民亦無真欠或田已鬻十數手而
額糧尚畱本戶爲找價勒贖之基收糧經手侵漁之
地或細民畏官吏苛擾以糧畝附豪強戶內者有之
又有包攬代兌之弊吏胥役隸欺隱之奸輸糧者一
人乾沒者數手此之爲害不可紀極而刑杖重輕民

役不同以役。答役百千不癢。官有敲扑之名。役有爲民受責之功。民又有出錢爲役養板之困。於國計毫無裨益也。以君聰察必能灼知利病。澣洗舊習與之更新。昭之民其有厚幸乎。愚謂他務未遑必先爲良法以清其冊籍。使人有真名名下之糧有真額。然後可按籍而稽完者真完。欠者真欠。爲良法以催其輸納。去包收代兌欺隱之弊。尋常比較敲扑一槩勿施。施則必使之畏。使之服。役與民俱不敢犯而後刑不濫而法必行。而又以時巡行阡陌與老農課晴論。

雨問苦樂勸耕桑作興學校萃文章經濟之才爲書
院以教育之沙汰僧尼使消怨曠旌賞孝弟義烈存
卹孤寡搏擊豪強使民惇厚案無停牘訟無久累訟
師蠹盜盡法鋤除而又教民齊家使風化起于閨門
○務○在○江○南○尤○爲○切○要○
一變其入寺燒香出郊嬉遊之故習余今贈君以女

學一書君其爲我播而行諸否訓方型俗良有司之
事也爲民父母子女皆當教誨君無以余言爲迂也
君才具有餘牛刀割雞無足措置多謀而兼以能斷
○論○
慎重而濟以剛果他日宰天下亦若是焉已矣君必

深○識○篤○

大有以報

天子宰相之知。非鄙人所能測識。顧余猶不揣妄昧。以區區芻蕘進者。朋友責善之道。不以臨岐別緒。浮詞贊頌爲長。諒泰山河海不以土壤細流而厭之。指陳弊竇。剴切淋漓。藹然仁人君子之心。流露於筆墨之間。是真以天下爲已任者也。

誦脩補普寧形勝序

從來氣運之盛起于人心。文物之興由乎衆志。故湮鬱將開。必有人焉起而振之。譬如燎原之火。有鑽其燧而爲星星之然者。然後焚山烈澤。光輝照乎四國。是知事無大小。爲之則成。欲之卽至。人心之專一。卽爲造化之感通。未有能限之者也。古稱人傑地靈。謂地靈可挺人傑。之生亦人傑能補地靈之闕。二者相因。詎可以人事不脩而徒咎山川於造物哉。普邑山川秀美。土田沃衍。雖彈丸蕞爾。可云樂郊。而文物未

興○大○雅○弗○作○無○論○仔○有○道○統○經○天○緯○地○之○儒○吾○不○得○
此○言○人○之○衰○弱○以○之○勵○之○
而○見○卽○文○章○科○名○尋○常○泮○壁○之○士○亦○寥○寥○晨○星○不○及○
他○邑○一○村○落○焉○建○邦○啓○上○數○百○年○無○有○畱○心○及○此○一○
從○而○振○興○之○者○良○可○嘆○也○論○者○惑○於○青○烏○家○之○說○謂○
巽○地○文○峯○弗○起○溪○水○來○短○去○長○河○隍○焦○乾○地○理○淺○薄○
永○無○文○物○之○望○余○曰○噫○此○可○以○人○力○補○之○耳○因○相○度○
此○言○地○理○之○薄○可○培○以○人○力○
形○勢○邑○東○郊○崑○安○寨○居○巽○方○小○山○隱○伏○奇○石○虎○踞○古○
爲○文○昌○祠○故○址○今○祠○移○邑○中○可○建○文○明○閣○於○上○昂○凌○
霄○漢○以○當○文○峯○中○祀○濂○洛○關○閩○五○先○生○旁○設○學○舍○百○

十楹爲普邑人士讀書講學之所。榜曰文明書院。人事與天工並至。則文物之根源也。水口石潭山亦爲異地。建急水塔山巔。作中流底柱。使河行停蓄不患去長。又有文峯插天之勢。命其名曰文峯塔。以明余之所建。特取聳秀壯觀。與迷惑于浮屠邪說者不同。○氣象也。學宮之前。舊有泮水。宜清深。今沙淤爲陸。當疏濬之。凡城中大小溝渠。城外環繞濠水。一槩開通。使舟楫可行。如人身臟腑通達。脉絡分明。血氣周流。無所滯礙。則四體自然堅強。百役自然從令。蓋有諸中者。

不待外求。環城皆水。又不患其來之短也。余涖茲日。
淺越俎。潮陽屈指一歲之中。治普纔兩月耳。萑苻旣
清。雀角亦馴。此一變至道之鄉。余固樂其民風之質。
也。潮之文物。視茲百倍。余治潮之苦。亦視茲百倍。而
功利夸詐。不可救藥。竭晝夜鋤荆剪棘。明先王之道。
以道之。尚未能一變。至魯。余於是亦遂忘其爲普之
余。几普事弗遑。經畫非獨于潮厚。而于普薄也。幸年
歲豐登。萬井盈寧。余得偷潮冗之閑。爲吾普培禮教。
信義之俗。欲與普士興正學。必先爲普人壯志氣。峯

高水深。地理淺薄之患。吾知免夫。余於潮。有棉陽書院。於普。豈可無文明書院。祀濂洛關閩諸儒。讀濂洛關閩之書。人人有爲聖爲賢之志。他日英才濟濟。詩書禮樂。直紹魯鄒。而文章科名之號。爲文物。又其所操券而藐焉小者也。但土木之興。工程浩大。濬河築塔。建高閣。而開書院。自笑清俸無幾。未免有螽力負山之虞。承○起○處○衆○志○作○收○蘧伯玉恥獨爲君子。余敢不與斯邑搢紳先生。好義樂施。諸人士共之。語云。衆擎者易舉。集狐成裘。積簣成山。諒諸君必有同志。不待余之贅也。姑并

數言以當馨鼓。

就地理人事相關之處剴切言之拳拳愛士之衷
溢於行墨之表此直補天手段非止因地制宜也

重建茗南書院釀金小序

漳之有茗南書院。爲吾師心齋沈公生祠師來視學。
既明且清。爲有閩學使第一文章意氣入于人者深。
矣。書院舊在西河登仙宮側。頗簡陋。十餘年來。吾黨
怒焉。乙未冬十月。更卜地龍門山。奇特爽朗。怪石嶙
峴。可愛甘棠蔽芾。其間有合周人思召公之義。僉曰。
吉。問其主。則吳及蔡若黃若潘若劉五姓六七家之。
所寶而弗售者也。聞欲建沈公祠六七家者。皆欣然。
願各廉其直。遂購之。鳩工庀材。版築丁丁。中堂輪奐。

成且有日。而堂之前後。舊屋宜清。新楹宜構。俱有待。經營焉。門徑遂然。又廣大可容駟。宜建築西南學舍。七八間。宜葺治山之上。議建清風亭。古樹森陰。鳴聲愛。聒耳綠野。清溪繚繞。繞城下爲郡中第一名勝。宜揀度規模已定。需費浩繁。集腋而裘。是誰之責。與吳蔡諸映帶自然風勵最切君聞風者。高義且爾。況在吾黨。其又何說之辭。敢請同志共襄盛舉。勿以貧富較量。各盡心力。拮据使苦。南勝蹟與紫陽鹿洞並垂不朽。龍門之山。聲價十倍切當矣。

簡貴質實情深而文明

方輿小序

老氣

有邦國必有圖籍。自古爲然。蓋方域之廣。蒼黔之衆。敷治者不能躬自遍歷也。因爲圖若書以統貫而條理之。不出戶庭。周知天下之故。大政遠猷。皆從此出。是以周禮大司徒掌以職方。而聖人見負版者式之重矣。後世所謂圖山水畫卷耳。望之蔚然可觀。按其東西南北。且有十九不合者。卽位置不甚刺謬。而圖固不能言也。代之言者。率又浮光掠影。語焉不詳。求其談之歷歷如聚米畫沙。可按而行。渺未之見也。潮

一語道破

此大不易

郡嶺表名藩屬縣十有一煌煌非疆較虞周大國不
知幾倍大山大海幅員雄壯播之輿圖上登天府詎
徒爲美觀哉將於此求治道焉疆啓自漢歲閱二千
兵燹既多滄桑屢易經之營之有居重馭輕之要有
控制調劑補偏揅敝之宜必待脂車秣馬跋履山川
而後議鞏磐石將不勝其勞矣茲編方輿具有苦心
披閱之下十一邑提封形勝阨塞險易苞桑戶牖瞭
然心目之間其所謂指諸掌者乎一方清晏百代治
安按籍而定焉可也志方輿

歷來志乘地圖不過粗具山水面目未有講究精
詳卽于此中求治道者聚米畫沙可按而行非有
大經濟人不能道出隻字鹿洲滿懷蒼赤所至以
經綸爲已任寓目留心乃能言之歷歷卽一圖一
說不肯輕易放過真經世之才也

對水僧煙寺時多其野望
歸德深已我野望時多其
對水僧煙寺時多其野望
歸德深已我野望時多其
對水僧煙寺時多其野望
歸德深已我野望時多其

城池小序

冠○冕○正○大○不○同○鍾○鐘○凡○齊○

有城有池國體也。鑿斯築斯王政也。若曰徒以固圉則時際隆平夜靡不閑安事此乎。然設險以守大易垂象原爲太平無事者言之。春秋以莒爲戒惡弛備也。潮郡故皆石城濠流環繞金湯壯矣。都村碁佈擁衛如雲。旣決決乎表海亦惟勤脩時政使地利與人○點○晴○和並興庶於國體有合焉。志城池。

簡貴尚老不支不蔓文之有體要者

蘭貴尚不支不蔓文之亦難矣

叶並與燕於附體亦合流志相新

附以雲到夫火平春新亦出情音和氣出神與

此附應於春江以氣氣氣氣氣氣氣氣氣氣氣氣

氣氣氣氣氣氣氣氣氣氣氣氣氣氣氣氣氣氣氣

西和烈烈平齊平不問天事此平烈烈劍以中大

有姓林或國豈也提提提提提提提提提提提提

知斯小年

知斯小年

○地○勢○使○然○

○聖○賢○經○世○之○言○

來僅觀之隆平也。民生不見兵革守土將怠而驕前

曰其知道乎

車之覆後車之鑒因縷述寇變撻伐諸事使凡百君

子觸目儆心咸知制治保邦當有憂盛危明之意焉

戒衣衾籌未雨非曰迂遠而不切於事情也志兵事

老成謀國慮遠思深如見元端象簡丁寧告誡氣

象

人物小序

潮郡山高海闊幽奇雄壯磅礴鬱積之氣鍾爲偉人
爲傑士固其宜也昌黎過化天水奮興而後

趙德海陽人韓愈刺

潮州牒攝海陽尉爲衙推官
勾當州學時稱天水先生

文章行誼星炳雲燦蒸蒸然盛矣

聖朝教養百年君父求賢若渴誘掖獎勸造就多方

令○人○沙○下○

雖木石猶將鼓舞況具有血氣心知之性而誦法聖

四○語○可○垂○金○石○

賢者乎官無論大小立忠者貴人無論窮達砥行者

勉

傳讀斯編者頑廉懦立思欲爲邦國增光駕古人而

勵○士○大○夫○

上之鄉士大夫之責也樹之風聲激厲培植使成人

有德小子有造地方司牧之事也匪誇旣盛用勵將來志人物

一片激勵培植造就人才苦衷隨感而發大有玉振金聲風光月霽氣象

入神小亭

孝義小序

孝庸德也。義者宜也。人無此二者。吾以毛角目之矣。危言刺背
尚儼然命爲人物哉。人物有志。孝義該焉。何事多爲。有此
差等乎。曰。然。何以處夫山農閭巷。目不辨之無未得。一門方無遺漏
躋人物之數者。孝爲百行之原。推其極。可以格天地。
洽神明。馴致乎篤恭。而天下平之盛。故聖人以是爲
德之本也。教之所由生也。雖以堯舜之道。不過孝弟
而已。若非其義也。一介不以取諸人。千駟萬鍾。視同
嚔蹴。至于急病讓夷。敦解推之。誼事關家國。頂踵可

捐詎得以韋布少之孝義之于人大矣哉潮雖僻處
嶺嶠而雞豚旨甘刳股廬墓人有同情或貲財可共
或忍飢不食非義之食或出入萬死一生救全城旦
夕之命固亦卓卓犖犖不應與草木同朽者潮之孝
義大槩可觀矣沐浴聖化日漸日深將見孝里義門
遍鄉村而皆是太和洋溢於變時雍安能量其所屆
乎志孝義

春容問雅有佩玉鳴珂之度

流寓小序

氣韻昌揚

名賢所至山川生色。瞻千采者如快覩景星鳳凰。雖世遠年湮。猶將侈爲勝事焉。潮處嶺外。蠻烟瘴雨之區。自古以爲罪臣投荒之地。氣運日昌。化草昧而開文物。海濱鄒魯。錦繡江山。駸駸乎與上國爭瑰麗。由是偉人君子。無不來遊來歌。以擴其胸中幽奇曠朗。文有奇氣鬱積雄浩之氣。而寓公輪棹踵相接矣。其以譴謫至者。若常袞。李德裕。趙鼎等十數公。旣以廢置諸賢。附於名宦之後。居官無慚于君國。雖竄謫猶陞遷也。今

茲所紀皆屬遠遊亦有貞臣烈士崎嶇于風濤崖谷

文○陸○諸○公○

之間○搃○兵○集○旅○究○同○傳○舍○則○皆○得○以○寓○賢○列○之○嗚○呼○

乾○坤○正○氣○蔚○爲○正○人○在○一○鄉○一○國○則○爲○鄉○國○之○光○足○

道○鐸○提○擲○深○切○著○明○

跡○徧○天○下○天○下○人○皆○欲○私○而○有○之○若○蔡○京○秦○檜○子○孫○

且○不○以○爲○祖○況○他○邦○逆○旅○車○轍○塵○雖○之○汚○人○乎○讀○是○

編○者○流○芳○百○世○之○心○勃○然○興○矣○志○流○寓○

此等文字直是景星鳳凰能使見者頑廉懦立人
人起流芳百世之思有功世道不小

風俗小序

千○古○治○化○全○在○風○俗○故○觀○於○鄉○而○知○王○道○時○雍○風○動○
則○爲○唐○虞○澆○薄○囂○凌○則○爲○季○世○唐○虞○叔○季○豈○以○古○今○
論○哉○風○俗○異○也○潮○自○昌○黎○謫○守○是○邦○士○篤○文○行○民○稱○
易○使○海○濱○鄒○魯○可○謂○隆○矣○千○有○餘○載○時○異○世○殊○流○風○
日○下○習○俗○因○之○忽○變○忽○跖○亦○儒○亦○釋○強○悍○恣○淫○功○利○
夸○詐○兼○而○有○之○隸○卒○齊○於○搢○紳○逐○末○多○於○務○本○鄒○魯○
之○風○遐○哉○替○焉○幸○賴○我○
皇○諄○諄○教○化○

聖諭廣訓。月吉宣傳。陬滌窮鄉。聞迺鐸而蒸蒸興起。一
變至魯。一變至道。於以幾于時雍。風動何難乎。夫奢
示儉儉。示禮風行。草偃端屬何人。承流宣化之君子。
○愷○切○流○摯○精神命脉不可一日不在於斯也。志風俗。

樸茂宏深且有偉氣

物產小序

周官職方氏掌天下之地。九穀六畜有別。管仲相齊。以五施別五土。蓋盡地利窮物宜。以導民樹藝而安居。後此經天下者。皆勤勤于物產。爲萬姓阜財求而利器用焉。五方風氣不同。所產亦異。潮處南服。霜雪罕到。四時皆春。草木敷榮。禾種山巔者。有之。蔬果之類。出非其時。海錯繁多。雖更僕未可悉數也。若夫瑰寶奇珍。來自南交外域。於潮何有焉。書曰。不貴異物。賤用物。民乃足。又曰。惟土物愛厥心。臧因所利而利。

之。重。物。力。以。淳。民。風。則。樂。業。安。生。飛。潛。動。植。之。間。皆。
曰老○到○
有。王。道。志。物。產。

簡淨得體無一毫雜霸氣習

同官趙文為掌天下文選大經六書亦得掌中

餘書山中

古蹟小序

探奇問勝懷古情深非陳跡之可傳亦地以人重也。○鄂○珠○
潮處天涯未覩三代之車轍既不得與魯衛齊秦並
誇聖賢芳躅然而一隅之地亦有名區昌黎之鄉校
雖湮紫陽之遺踪尚在聞其風者猶將頑廉懦立矧
○氣○味○沈○厚○
身履其境而低回憑眺乎忠臣孝子名流碩彥撮土
片石皆足動後人觀感之思其蹟存即其人存也不
然瓊枝玉樹金谷瑤臺亦等諸荒烟蔓草已耳君子
○通○篇○主○意○在○此○
觀古人遺蹟當思爲其可傳者夫志古蹟

此竹數尺而有千仞之勢可以移贈此文

雜記小序

志以雜名紀軼事爾譬諸曆此其閏也方諸易此其
雜卦也搜羅今古凡書不盡言言不盡傳耳目所未
經意想所不到者一雜也苟可以擴心胸資談助無
論洪纖曠渺胥爲錯綜以出之要不使離經畔道以
新奇而或失其正焉倘一言一行有裨彝教則以天
球大訓目之矣齊諧可志常存子不語怪之心經正
民興斯無邪慝可曰寓言無關于世道乎志雜記
一片維持世道保心念念不忘雖纖毫不肯放過

藝文小序

道之顯者謂之文。子瞻言爲文必與道俱。朱子非之。謂其視文與道二也。後世以學文學道爲兩途。如冰炭之不相入。雕琢辭華。鏤金錯采。靡然于倫理經術之外。而命之曰文。自以爲登韓柳之堂。排歐蘇之閥。人病痛矣。或撫古字使人難識。掇拾梵音。矜心高妙。由君子觀之。曾涕唾之不若耳。潮中文學有昌黎爲開風氣。自是名賢接踵。極嶺外文章之盛。輓近學者多規撫六朝。排砌瑰麗。振秀揚華。人人家有千里焉。若夫經

世○理○物○發○揮○至○道○必○如○此○乃○爲○有○用○益○于○天○下○國○家○身○心○性○命○之○文○
與○夫○起○衰○式○靡○古○雅○高○清○之○韻○海○潮○雄○浩○之○觀○則○所○
望○于○此○邦○作○者○匪○細○也○腐○生○災○石○頌○德○稱○功○市○僧○操○
觚○丐○羹○謝○炙○及○無○關○潮○地○風○土○民○物○者○雖○佳○不○錄○其○
在○舊○志○所○存○則○亦○未○遑○淘○汰○諒○有○心○日○當○能○辯○之○志○
藝○文○

以○學○文○學○道○爲○兩○途○雖○最○高○明○者○亦○坐○此○病○不○知○
文○以○載○道○道○外○無○文○豈○有○可○分○而○二○之○理○學○者○作○
文○時○但○肯○思○爲○有○用○必○裨○益○于○天○下○國○家○身○心○性○

命此外不浪費筆墨則不求道而道存矣

命此衣不取費要臨不取道而身拜矣

鹿洲初集卷七

漳浦藍鼎元玉霖著

衡山曠敏本魯之評

傳

寒支先生傳

先生李姓。勝國諸生也。寧化泉上里人。名世熊。字元仲。自號曰寒支子。少豪宕。不羈視天下人。讀書無足當意者。自經史子集。以及秦漢唐宋近代百家。靡所

不覽獨好韓非屈原韓愈之書故其爲文沉深峭刻

支○集○直○以○數○言○括○之○

雄偉淒麗奧博離奇如悲如憤如哭如笑如寒泉烈

切○當○

日如暴風雷雨雖非盛世和平之音蓋自稱其所遇

也時當天啓崇貞間金甌未缺若預知有甲申以後

有○心○

事者每論古今興亡儒生出處及江南北利害備兵

人○無○處○不○留○心○自○然○若○燭○照○數○計○

屯田水利諸大要未嘗不慷慨歔歔惓惓有所屬望

奈數奇困頓諸生九試冠同列典閫聞者莫不欲一

物色李生爲重竟不可得一大清定鼎閩中尚擁唐

王未歸命故大學士黃道周何楷並薦寒支尚志博

學徵拜翰林博士辭不赴反復上書與道周悲憤時

事及道周死義走福州請褒卹時問其孤娶存沒廬

舍完燬輒鳴咽不置丁亥王師入閩序應歲貢辭

自是杜門絕迹城市有齟齬於郡帥者帥遣某生移

書逼入郡寒支復之曰天下人無官者十九豈盡高

士來書謂不出山慮有不測之禍夫死生有命寧遂

懸於要津且余年四十八矣諸葛瘁躬之日僅少一

年文山盡節之辰已多一歲何能抑情違性重取羞

辱哉時蜚語騰沸勢洶洶不測寒支矢死不爲動疑

謗亦釋寒支既以文章氣節著一時名聲大震辛卯

壬辰間建昌潰賊黃希孕剽掠過泉上里有卒摘寒

支園中二橘希孕立鞭之駐馬園側視卒盡過乃行

粵寇至燔民屋火及寒支園其魁劉大勝遣卒撲救

曰奈何壞李公居室是時天下人雖盜賊亦知有寒

支矣寒支積有壘魄於胷中每放浪山水以寫其牢

騷不平之概當詣西江泛彭蠡登廬山絕頂追維闖

獻橫行事痛悼欲絕淚下如泉湧不能禁也乙卯耿

精忠反遣僞使敦聘絡繹踵門寒支嚴拒之自春徂

承○上○起○下○筆○力○最○古○

好○不○熱○鬧○

宗○社○覆○于○流○寇○

此○等○人○自○然○

冬堅固不起乃得免寒支自甲申以後山居四十餘
年鄉人宗之有爲不善者曰無使李公知也晚號媿
菴顏其齋曰但月所著寒支集寧化縣志錢神志史
感物感本行錄經正錄各若干卷年八十五以疾卒
於家

論曰余聞先生少時嘗單車走泉州出安海潛觀鄭
芝龍其意念深矣及唐王據閩明數已終日月出矣
燭火不容於不息宜先生之不應聘也使先生早年
得志癸未甲申間必有可觀者一腔熱血付之清冷

不能匡扶亦必殉節

○看○明○室○有○匡○扶○否○氣○脉○盡○否○

之鄉悲夫文章如韓心事如屈志節之清高與管幼
安伯仲矣

寒支勝朝遺士目覩闖獻交馳京師盜覆不能不
盡然傷心其不應唐藩之聘是知明數已終天命
有在不復爲無益之跋涉亦識時務者也至不從
耿逆則稍有人心者能之豈足爲寒支異乎竊怪
懷宗末造需才孔亟如此人而棄置草莽亦獨何
哉

黃太常傳

黃太常名性震字元起號靜菴福建漳浦人也家貧年十二怙恃皆見背瑩瑩拮据從父子完以倜儻不羈奇之取史傳古文命讀一目數行皆不忘遭時莽伏變起四鄰黃族多遇害幾不免者數四幸得脫自抱負信爲天所生必有所用之也客遊三山靡有合困窮益甚然不肯作受憐意人莫能測其淺深慨然嘆曰丈夫生際擾攘當以盤錯顯利器但世無常何孰識馬周吾長此落落乎歲丁巳閩督姚啓聖入漳籌海

時軍興旁午才略之士多欲出見所長又聞啓聖虛
心求賢可與共事於是仗策軍門進平海條陳十便
啓聖奇之與語大悅恨相見之晚每引入卧內談機
密促膝借箸至夜分乃出凡練兵遣將用間用奇剿
撫機宜無不竭謀盡智動輒有功其出龍虎山復長
泰縣奪江東橋小港洲水晶坪諸處招撫五大鎮皆
出區畫啓聖上其功廷議以同知用奉旨從優議
叙加僉事道感激知遇益思報稱念敵勢蟠結浩大
非離散其黨羽陰亂其腹心未易猝圖請建立修來

○省○筆○

○深○心○厚○力○

○第○

館○以○收○納○歸○誠○將○士○來○降○者○無○真○偽○胥○善○待○之○夏○屋○
美○衣○車○馬○僕○從○炫○耀○街○衢○由○是○海○上○諸○黨○多○潛○來○歸○
順○具○白○啓○聖○分○別○授○以○官○可○用○者○竟○實○用○之○至○者○如○
歸○皆○大○喜○過○望○得○海○上○閒○諜○悉○不○殺○厚○賜○之○恣○其○往○
來○卽○用○以○偵○海○上○事○凡○敵○人○舉○動○罔○不○知○者○視○島○中○
良○將○及○所○信○任○腹○心○有○才○幹○智○謀○者○或○大○書○其○官○爵○
姓○氏○標○之○公○館○飭○備○供○應○偵○者○以○爲○實○然○輒○陰○報○海○
上○疑○而○殺○之○由○是○賊○人○自○相○疑○貳○來○歸○者○日○益○衆○一○
鼓○而○平○十○九○寨○復○海○澄○克○厦○門○金○門○將○帥○有○利○剿○者○

性震密白啓聖禁戢安民全活數十萬衆捷聞優叙
軍功三十二級加正一品壬戌授北直霸昌道建義
學立義塚治悍驚旗丁以響馬賊爲害莫知踪跡密
謀隸役中可任者二人陽以法斥去之俾充賊黨因
得悉知賊姓名及其居處出沒以次執縛械送刑部
咸寘法政聲大震車駕幸密雲召見褒嘉賜蟒
袍宮紵寵異之尋擢廣西提刑按察使於署側設省
刑所二鍋竈器皿薪米被帳皆備解差犯証至者寢
食其中按名分給訊結卽去沈寃滯獄多所平反有

崔玉枝一案。牽累多人。皆久定大辟。察其可哀矜者。
覆訊得實。力請廣督吳興祚具疏開釋。賴以全活者。
數百人。累累盈庭。爲具酒食。給衣服。賞資還家。一時。
大快呼天動地。以爲于定國張釋之復見也。計典入。覲。
上。粵西瘴癘一疏。俞旨嘉納。未幾遷湖南布政使。
清革陋規。剔包收詭寄諸弊。詢民疾苦。用緩咸宜。憫。
長沙郡河洶湧。商艘屢淹。相度地勢。別開一河于側。
甚偉使得安泊。楚人以爲百世之利。云武昌夏逢龍作亂。
變起倉卒。陷沒四郡。人情洶洶。廷臣以湖南爲慮。

上曰有黃性震在無虞彼佐平六十年海氛何況于此果胸有成算知草寇無能爲晏然如故不數月而賊徒殲滅更修葺書院作興士類正已率屬撫安窮黎瀟湘雲夢間頌聲洋溢翕然稱善治焉辛未春得嘔血疾遂以病乞休優游林下漳浦學宮歲久將傾圯重修文廟明倫堂輪奐聿新置義學田租爲邑士科舉公車之費復建文昌祠敬一亭修梁山鍾秀坊濬泮池傅公河浦自前明以來人文甲于漳郡形家謂雙溪二壩收礬山梁山諸水朝宗城下富庶莫京

後以年久壩壞。二水背流。氣運稍減。今欲興復其故。
需費二千餘金。僉謂非常工役。非黃公莫能舉此。則。
毅然起而肩之。獨力填築。疏通內河。俾諸水仍舊朝。
宗。邑士大夫高其義。鐫石學宮。誌之。家居故在湖西。
先世所聚族者。兵燹後。晨星散處。一望蒼涼。每潸然。
淚。下有敦族立宗之志。顧謂所親曰。倘得一命之榮。
施及三黨。是余願也。甲子。司臬粵西。遣族子太學生。
賜旋家。董其事。鳩工庀石。築土堡爲藩籬。俾族衆咸。
有寧居。中立大宗廟。以示報本。次立小宗廟。聯五服。

井井有條無不周到

道長數百里爲設五里一旗一砲旗書督工官姓名
以專責成有急則施火砲便于聞聲馳赴沿河安置
物料省臨時搬運之費日夜奔走勞勩衝冒風雪廢
寢食舊疾間作從子尚錦從旁寬慰曰憊矣稍休息
焉瞪目視之曰不強不遠不勞無功任君國事卽
委致其身也庸知勞乎不四閱月大工告竣車駕
臨幸放水一日召見五次慰勞殷渥未幾遷太常寺
卿辛巳冬卒年六十五生平好善出於天性屬吏搢
紳有文學皆隆禮待之尤好扶植單寒海寧學士杏

昇未遇時。一見如舊相識。不惜千金資其成立。四方名士登門締交。或延爲諸子師。束脯至以千計。如江南進士黃暉烈。陶自悅。福州翰林嚴宗溥。皆所羅禮。以訓蒙者。時人服其藻鑑。卒之日。士無論知與不知。莫不咨嗟嘆悼。謂斯人不可復得云。

論曰。世無常何孰識馬周。豪傑所扼腕也。當其遇知已。奮風雲不五年。遂臻方伯。雖馬周知遇亦何以過於斯。鄭氏父子祖孫竊居海上者數世。地利人和未易猝拔。所以離散其手足。撓亂其腹心。啓聖力也。啓

聖○得○力○專○在○修○來○一○館○司○館○者○之○功○不○待○問○矣○運○籌○
決○策○績○在○封○疆○敷○政○宜○民○聲○施○金○石○至○其○宗○族○鄉○黨○
之○間○仁○深○義○篤○直○與○范○氏○希○文○頡○頽○千○古○豈○馬○周○僅○
購○佳○宅○所○敢○望○哉○士○大○夫○履○豐○席○厚○如○斯○人○者○不○乏○
試○以○斯○人○自○比○擬○吾○不○知○其○何○如○也○

排宕激昂沛然若江河之莫禦也當是蘇長公得
意文字

月湖先生傳

先生姓陳名汝咸字莘學號悔廬浙江鄞縣人居月湖之濱學者因以名之也父錫嘏舉乙卯鄉薦第一丙辰進士官翰林編脩有文名先生幼聰敏日讀書徑寸年十四通十三經廿一史諸子百家里中前輩以神童目之二十一登戊午賢書辛未魁禮闈選翰林庶吉士丙子夏出宰漳浦浦故閩南劇邑也多詞訟丁糧版籍歲久混淆胥役因緣爲奸弊官民胥困焉先生正己率物勸民親遜設紙皂懲訟師聽斷

明○決○莫○之○能○欺○由○是○公○庭○肅○然○念○先○生○心○血○在○此○編○審○爲○賦○役○大○政○
非○精○詳○整○頓○不○能○使○宿○弊○一○清○日○夜○焦○心○勞○思○躬○自○
核○算○編○糧○均○戶○人○丁○各○歸○現○在○之○籍○令○民○自○具○親○供○
實○計○丁○口○產○業○自○立○徵○戶○自○封○投○納○除○戶○長○承○管○之○
弊○歲○省○民○二○千○餘○金○均○保○甲○清○屯○糧○併○寺○畝○除○根○租○
行○滾○單○之○法○使○糧○戶○自○相○催○納○不○用○胥○差○方○舉○行○時○
豪○強○不○便○吏○胥○陰○撓○至○上○官○亦○爲○搖○惑○勸○以○勿○事○紛○
更○先○生○毅○然○不○可○回○條○分○縷○析○三○年○而○法○立○弊○竇○悉○
除○差○役○袖○手○胥○吏○無○所○施○其○技○民○歡○樂○稱○便○鼓○舞○輸○

將秋冬之交歲賦全完罔有絲毫逋負者濱海習俗
輕生諛語小故輒服斷腸草自盡圖賴先生力懲其
弊令當刑者掘草根贖罪或出俸錢以市積堂下燬
之革相驗花紅夫役飯食不避臭腐周屍上下反覆
諦視以手指按雖_{精細}作謝弗及也邑多山虎白晝常
出攫人捐貲令鄉民多設虎牢復募善射者伏強弩
毒矢要之潔誠齋戒牒城隍默相驅除自是虎悉入
牢又多爲毒矢所殪值歲旱朝夕步禱夜宿壇登梁
山絕頂觸龍湫備歷崔嵬紳士行四五十里多不能

從先生葛袍芒屨不辭勞瘁甫下山而靈雨四郊霏
足人以為精誠所感云丁亥夏靈雨溪流驟漲高及
雉堞南郊廬舍為巨浸民皆升屋而號先生力疾登
城樓與錢數十緡募船拯救又多為木筏懸賞格每
渡一人給錢三十諸生蔡衍錕黃尚柔皆與錢以助
男婦老幼蟻附登城者數千人分糜粥飼之次日復
賑以米多方撫恤故民雖災而不害興文教設義學
在邑中者一在雲霄銅山杜濤者三延諸生有學行
者為之師月於初三十八日會邑中士大夫及鄉之

俊彥集明倫堂講經史性理諸書繭絲牛毛終日論
如○見○鹿○洞○規○模○
辯酬答娓娓無倦朔望日課時文二詩古文各一浦
功○不○可○沒○
人士濟濟奮興文章經濟與海內相角先生之教也
大修文廟造祭器樂器俎豆鐘鼓煥然一新雲霄銅
山向皆有朱子祠祀典久廢先生以漁船二十戶暨
公溪泥泊稅羨充祭祀及諸生鄉試之資東郊明誠
書院故黃石齋先生講學之所禿廝寄寓漸忘其故
幾爲浮屠窟宅先生撤佛像盡逐僧徒以黃氏子孫
主之浦故有教堂四所男女羣聚茹蔬禮佛名曰無

爲教先生籍其居爲公所爲育嬰堂西洋天主教流
毒至浦將開堂以惑四方之人士先生峻拒之無敢
容納有西洋人奉欽差道經浦邑以好言浼先生
繼以威挾先生弗顧屬諸上官爲先生言先生仍弗
顧也城東東嶽廟廊廡立功曹祠旁有鬼卒能作崇
邑人無識者香燭酒牲晝夜不絕先生命毀其像隸
役皆悚惕不敢前先生怒令鞭而碎之村民信巫禱
病者輒舁土木神鳴鑼擊鼓採藥以療先生亦厲禁
之有奸匪百餘人潛伏七星洞召黨入海發兵追捕

遁聚丹竈山掩擊之走平和山中。豎旗集衆謀再至。
浦先生遣鄉長黃利見密致賊黨林大札啖以重利。
誘擒巨魁曾睦及其從蔣卿江貴等奸徒悉散復獲。
海賊徐容等十餘人搜所剽掠白金二千八百八十。
兩珍珠四十六顆瑪瑙二顆綺紵羅紗千餘疋洋蠟。
洋簪盃筭之類不可勝數始知海上巨賊有仁義禮。
智信興六號徐容卽信字號賊首也細詢行踪直陳。
不諱併賊中情形作何剿撫機宜言之甚悉先生以。
所獲金帛悉歸藩庫因條陳撫捕以靖海氛利商舶。

請○赦○徐○容○以○致○其○餘○黨○未○幾○當○宁○遣○大○臣○巡○海○招○
撫○諸○賊○皆○歸○誠○惟○禮○字○號○賊○目○尚○作○海○上○遊○魂○耳○南○
靖○宵○小○恣○肆○督○撫○大○吏○僉○謂○非○先○生○莫○能○了○此○交○章○
調○宰○南○靖○浦○人○相○率○赴○會○城○籲○畱○不○可○歸○取○田○器○塞○
縣○門○晝○夜○環○守○久○之○行○有○日○矣○民○扶○老○攜○幼○數○萬○塞○
街○巷○環○跪○泣○曰○公○母○去○活○我○百○姓○擁○肩○輿○不○得○行○先○
生○下○輿○步○入○李○太○學○家○夜○半○假○城○守○二○騎○作○巡○邏○者○
閒○道○從○北○門○逸○去○士○民○追○思○不○已○卽○於○北○門○搆○月○湖○
書○院○塑○先○生○像○其○中○歲○時○瞻○拜○靖○邑○積○年○逋○寇○多○伏○

遺○愛○與○他○人○答○應○故○事○者○不○同○

此○是○真○

深○山○旋○剿○旋○聚○或○始○撫○而○復○跳○梁○聞○先○生○至○相○謂○曰○
此○漳○浦○陳○公○十○三○年○矣○善○治○盜○我○等○出○沒○彼○皆○知○之○
將○安○所○逃○顧○其○人○長○者○能○自○詣○歸○誠○必○無○患○也○於○是○
前○後○數○月○悉○受○撫○先○生○開○示○威○信○皆○革○面○終○不○爲○盜○
頌○聲○大○作○已○丑○內○召○庚○寅○補○刑○曹○主○事○辛○卯○擢○廣○西○
道○監○察○御○史○巡○視○西○城○疏○陳○臺○灣○事○宜○及○更○定○命○案○
條○例○ 旨○嘉○納○之○除○西○門○外○白○蓮○教○訪○私○雕○假○印○僞○
造○貢○監○照○劄○者○徐○德○孚○傅○雲○生○等○二○十○四○人○皆○執○赴○
刑○部○置○之○法○壬○辰○秋○七○月○聞○海○賊○焚○燒○營○汛○舟○楫○因○

之熱河行宮上防海事宜一疏蓋先生在閩日久熟

向來通病

悉海上情形又以商船被劫多由沿邊掛號水路屈
曲礁嶼錯雜賊船遂得截劫于必經之地而當事皆
以掛號稽查爲良策商民苦不能自達先生至良始
痛切言之沿海數省利賴焉是日在熱河復陳弭盜

事宜一疏

旨皆嘉納

賜克食鹿條魚脯小菜慰

勞之是冬海賊陳尚義遣周錦赴兵部求撫先生謂
尚義必係禮字號賊目陳老大當年海賊徐容稱此

賊久在海上肆劫今就其求撫請率舉人候選知縣

阮蔡文千總王三駱南左其彪等往鐵山鳳城島入
海撫之。諭旨慰勞以風濤不測但駐鳳城著蔡文
等坐船前往不必親自下海復以兵部郎中雅奇爲
副未幾颶風大作駱南等船飄失無踪蔡文一船飄
折大桅先生馳至天橋廠遣舟往會文南等俱至盡
山花鳥遇陳尚義并其黨百餘人皆招致詣京師明
年春正月擢通政司右叅議尋遷左叅議夏奉使入
楚祭炎帝臣農帝舜有虞氏陵及頒賞楚省綠旗兵
丁先生自裏行糧不擾地方官一絲一粟之境卽頒

賞賚不忍多擾驛遞。隨至隨行。湖南山川險峻。或請
僻遠營汛。可調官代領給發。先生輒然曰。王命屬
我。何敢憚勞。披星蒙霧。卽峭壁危崖。馬不容騎。輿不
容肩者。亦必捫蘿附葛。徒步而行。且遍訪紅苗窟穴。留○心○經○世○
情景利弊。以籌撫久安之計。祭二陵。皆竭誠盡敬。
見虞帝寢廟傾圯。捐貲屬令脩葺。葺陵逼諸猺。崗崗長
率男婦百餘人拜謁。男怕其首擊。長腰鼓吹笙鳴。鳴
舞跳而導婦女。辮髮纏三小竹。于髮爲椽。繡紅絨布。
覆其上。連袂而歌。爲靡曼聲。譯其語。乃蜜蜂飛來。千

文高槃王子孫在山好等句先生因改著竹枝詞四

章備揚天子萬年太平有道使之習而歌焉楚倅

得○天○使○體○

告竣遷鴻臚寺卿又遷大理寺少卿甲午春三月奉

命赴甘肅勘視荒災見饑民襁負蜂擁皆鳩形鵠面

鶉衣百結餓殍縱橫先生目擊傷心不復茹葷飲酒

會同陝甘督撫發倉賑恤尚慮窮鄉殘黎或未遍沾

鞠○躬○盡○瘁○死○而○後○已○

實惠徒步郊野汗淚交并時值癘疫炎蒸逐一病不

復起以四月二十五日卒於固原之海都喇彌留之

慘○然○

際語不及私惟恨饑民情形不得上達地方有司檢

視其囊衣一襲錢一緡而已年五十七所著兼山堂遺稿漳浦政略行于世

論曰先生出宰十四年入於人者最深一生事業此爲顯著宜漳人之尸而祝社而稷之也固原訃至自士大夫以及農工販豎莫不咨嗟太息刑牲設醴奔哭于月湖書院數十日不絕復劇金置田春秋饗祀事之若私親焉詩曰豈弟君子民之父母先生可無愧也已立朝日淺措施未暢使天假歲月其經國遠猷必更大有可傳者惜夫

許核樸老不必造作經營而先生鬚眉躍躍楮上
併一生精神心血俱爲寫出良史之才非時賢敢
望項背

望東背

拾一土辭輒必血財貪富出身史之才非知寶泥

儀封先生傳

先生河南儀封人。姓張，名伯行，字孝先，號敬菴。諡清恪。學者稱儀封先生。從所居邑名之也。先生七歲入小學。恂恂有儒者氣。年十四，丁母喪。二十五，補博士弟子員。康熙辛酉，舉于鄉。乙丑，成進士。讀有宋五子之書，以聖賢爲必可學，辨義利，闢異端，墜緒茫茫，有毅然搜紹之志。一時學者歸重焉。壬午，官內閣撰文。中書甲戌，改中書科中書舍人。是冬，丁父喪。越三年，建請見書院于邑之西郊，與鄉人士講明正學，奮興。

者○甚○衆○已○卯○夏○大○雨○北○關○堤○決○水○汎○濫○入○邑○中○居○民○
憂○之○先○生○募○人○夫○囊○沙○土○填○築○得○無○患○總○河○張○公○鵬○
翮○異○之○題○赴○河○工○効○力○以○勞○績○懋○著○遷○山○東○濟○寧○道○
值○歲○荒○傾○家○財○運○穀○以○賑○并○載○錢○及○綿○衣○數○船○分○給○
凍○餒○者○俄○有○旨○賑○濟○先○生○奉○檄○賑○汝○上○陽○穀○等○縣○以○
擅○動○倉○穀○數○萬○石○將○挂○彈○章○因○申○辯○其○略○曰○賑○濟○乃○
奉○恩○旨○非○本○道○敢○于○擅○動○也○動○倉○穀○以○推○廣○皇○仁○非○
希○圖○名○譽○救○濟○饑○民○非○私○侵○肥○已○也○使○奉○旨○賑○濟○不○
動○倉○穀○坐○視○各○州○縣○之○流○離○死○亡○而○不○救○倉○有○餘○粟○

野有餓殍。本道之罪。其可逭乎。昔漢汲黯過河內。以便宜持節發粟賑貧民。武帝賢而釋之。今本道以擅動倉穀。題叅理應順受。第恐將來山東各官。皆以本道爲戒。視倉穀重民命。輕害有不可言者矣。事得寢在濟四年。多惠政。於河務尤所盡心。灘河每當秋溢。淹民田數十萬頃。先生疏濬弘深。又築五岔口。使鄆城等十五州縣皆安。流士民至今尸祝之。啓利運閘。注水南旺。糧艘得遄行。遷江寧司臬。

聖祖南巡。以先生爲江南第一清官。遍問大學士督撫。

以下皆推獎無異詞。天顏大悅。曰。汝等何莫保舉。朕保之將來居官好。天下以朕爲明。君若貪賊壞法。天

于○此○矣○此○是○篇○中○大○關○鍵

下笑。朕不識人。至松江授福建巡撫。入閩值旱荒。疏

○賑○飢○

請動支庫帑買米賑濟。民得不饑。而永安漳平無賴

陳首魁。吳海等煽誘愚氓。竄山谷爲孽。先生密諭漳

守趙完璧撫平之。褒廉糾墨訪猾吏奸胥之爲民害

者。悉中以法。由是訟庭一變。教化大行。崇獎孝弟。嘉

○講○學○

惠農商。置社倉。興積貯。建鰲峯書院。延九郡一州才

品卓越行誼端方之士讀書談道。其中爲明體達用

之學設藏書樓置古今經籍四百六十餘種膏火之
資捐創獨厚視山左時所建清源夏鎮濟陽數書院
又迥然不同矣福州有所謂五帝者瘟神也廟祀遍
城鄉土人惴惴崇奉先生悉毀之或改爲義塾祀朱
子核省城尼僧令所親贖回匹配其崇正闢邪多此
類云在閩三載風聲日上當宁以江南重地移先生
巡撫江蘇庚寅春抵任適維揚一帶荒歉疏請海高
等十三州縣暨徐州賑飢乏食軍民設法賑救又以江蘇
等屬帶徵災漕一年完年半之租民力有所不贍請

暫○緩○以○紓○其○困○皆○報○可○上○動○帑○平○糴○疏○與○閩○事○後○先○
一○轍○但○拜○疏○卽○日○舉○行○謂○臣○因○災○黎○窮○迫○恐○俟○命○下○
部○文○往○返○遲○延○時○日○專○擅○之○罪○伏○望○鑒○原○旨○嘉○納○之○

是○夏○赴○常○州○會○審○欽○件○多○所○平○反○與○總○督○不○合○總○督○
○提○鄭○重○

者○噶○禮○也○性○奇○貪○以○先○生○扼○吭○未○敢○動○先○生○直○已○行○
道○興○除○舉○劾○如○恐○不○及○噶○禮○惡○之○每○掣○肘○不○得○行○所○
志○先○生○以○疾○辭○請○解○任○奉○旨○張○伯○行○操○守○清○潔○立○志○
不○移○朕○所○深○悉○江○蘇○重○地○不○得○以○衰○病○辭○因○勉○強○復○
視○事○辛○卯○秋○江○南○大○比○物○議○沸○騰○姑○蘇○士○子○迎○財○神○

入文廟事聞詔尚書張鵬翮出偕江南督撫案驗先生奉命如揚州會鞠弊端畢露總督故驕橫張威勢極力形容欲遏之衆熟視莫敢撓先生奮然上疏劾督臣抗旨欺君營私壞法請正國典以彰公論其略曰皇上臨御以來內外臣工罔不奉法兩江督臣禮受豢養不爲不久蒙委任不爲不專稍有八心自當仰圖報効不謂督臣自履任後文武屬員逢迎趨附者雖穢跡昭彰亦可包荒藏垢守正不阿者雖廉聲素著難免吹毛索瘢此在聖明睿照之中無容臣再爲

贅。瀆。可。異。者。江。南。今。科。鄉。試。盛。傳。總。督。通。同。監。臨。提。
調。攬。賣。舉。人。臣。以。督。撫。藩。司。皆。朝。廷。大。吏。豈。有。喪。心。
病。狂。至。于。如。此。之。極。迨。後。榜。揭。不。公。主。考。臣。左。必。蕃。
疏。內。有。或。發。督。臣。嚴。審。之。語。又。聞。總。督。要。銀。五。十。萬。
兩。保。全。無。事。臣。雖。未。敢。遽。信。固。已。心。竊。疑。之。及。奉。旨。
會。同。察。審。則。舉。人。程。光。奎。吳。泌。供。稱。關。節。是。實。藩。司。
書。辦。李。啓。供。與。家。人。軒。三。買。賣。舉。人。是。實。督。臣。大。怒。
不。容。直。言。臣。再。三。勸。解。歷。詢。諸。犯。皆。有。確。據。及。提。訊。
軒。三。語。多。愛。昧。事。涉。督。臣。夫。國。家。設。科。取。士。以。供。將。

來任使必科目之中有正士斯朝廷之上有正人我
皇上諄切訓戒以期風清弊絕不謂賄賂公行自有
制科以來未有江南辛卯之甚者奉命徹底詳察而
督臣必不肯詳察奉命嚴加審明而督臣必不欲審
明推其抗違聖旨始終庇護之故則以前通同監
臨提調攬賣舉人以後要銀五十萬兩保全無事之
說情真事實不爲無稽之浮論矣其欺君壞法之罪
督臣雖百喙奚辭若不請旨解任一併發審則通同
作弊之人爲奉旨察審之人真情何由得出國法何

由得伸哉。故自督臣震怒之後。至今要犯一名。不能
提真供一句。不可得。皆由督臣驕橫之氣。足以震懾
人心。臣實有欲提不能。欲訊不得者。不得不大聲疾
呼。煩瀆聖聽。我

皇上明見萬里。無微不照。而督臣敢于欺

皇上。

皇上待督臣高爵厚祿。何等隆重。而督臣竟忍負
皇上。擅作威福。賣朝廷之官。賣朝廷之法。復賣朝廷
之舉人。惡貫滿盈。兩江之人。知_{氣。羽。勃。滿。紙。風。霜。}之在朝之人。知_{氣。羽。勃。滿。紙。風。霜。}之天

下○之○人○無○不○知○之○祇○緣○權○勢○赫○奕○莫○敢○撓○其○鋒○以○賈○
禍○臣○非○不○知○此○言○一○出○天○下○之○人○無○不○爲○臣○寒○心○但○
臣○自○念○一○介○豎○儒○候○補○中○書○數○年○之○閒○超○遷○巡○撫○受○
恩○之○深○無○過○于○臣○圖○報○之○難○亦○無○過○于○臣○故○在○督○臣○
敢○于○欺○

皇○上○負○

皇○上○臣○則○斷○不○敢○顧○慮○身○家○畏○避○權○勢○同○爲○欺○君○負○
恩○之○人○貽○譏○天○下○後○世○是○雖○言○出○禍○隨○亦○所○不○惜○況○
臣○之○功○名○予○奪○出○自○朝○廷○性○命○死○生○亦○有○定○數○督○臣○

雖○甚○殘○險○亦○豈○遂○能○加○害○無○辜○臣○又○何○憚○而○不○言○哉○
仰○祈○

皇○上○大○奮○乾○斷○將○兩○江○督○臣○禮○解○任○發○審○俾○狐○鼠○之○
輩○失○所○憑○藉○而○承○審○之○官○亦○無○瞻○顧○庶○真○情○得○出○國○
法○得○伸○振○千○古○之○綱○常○培○一○時○之○士○氣○除○兩○江○之○民○
害○快○四○海○之○人○心○將○見○天○下○後○世○咸○仰○
聖○主○除○奸○燭○弊○之○神○明○億○萬○斯○年○永○享○國○家○賢○良○喜○
起○之○福○澤○矣○疏○入○噶○禮○亦○誣○先○生○他○事○以○互○訐○俱○解○
任○詔○遣○張○鵬○翮○赫○壽○並○案○之○士○民○聞○先○生○解○任○罷○市○

輟業扶携集公館號泣失聲環當道籲保留倉皇奔
走數十日山蔬野品各持獻不受則膝行前曰公在
官止飲江南水今將去無却子民一點心固跪弗起
先生亦弗能遏也五月審案上以先生所劾全虛例
革職治罪噶禮免議部覆如之詔尚書穆和倫張廷
樞再出確審審如前覆奏部議又如之

聖祖以先生爲天下清官第一此議是非顛倒命九卿
臺諫矢公據實再議九卿持平上

聖祖復諭曰治天下要于至公朕御極五十年諸事以

公心處之。張伯行居官清廉。天下所共知。噶禮操守。朕不能信。微伯行在彼江南。脞削半矣。朕自幼讀書。研窮性理。如此清官。不爲保全。則讀書數十年何益。而凡爲清官者。何所賴以自安乎。初次遣官往審。被噶禮制定。再遣往審。與前無異。汝等旣係大臣。知張伯行清官。當會議時。何無一言及朕有諭旨。始同聲贊其清。亦已晚矣。汝等體朕保全清官至公之意。使正人無所畏忌。則海宇享昇平之福。翼日命先生仍留原任。噶禮革去科場作弊諸人。尋亦正法。有差方。

是時噶禮聲勢蟠結浩大舉朝莫不悚息而先生孤
忠獨立自分無救不意當宁撥暄霾而揚日月得至
于斯也江左士民歡聲遍郊野榜于門曰
天子聖明還我天下第一清官焚香結綵拜龍亭呼
萬歲者至數十萬人復有數萬人赴京師暢春苑跪
疏謝恩願各減一齡益聖壽萬萬歲以申真實感
激之誠而閩省士民亦不謀而合若赤子之慶父母
也先生念有宋五子發孔孟之蘊于千載不傳之後
使聖道如日中天其所論說足配六經語孟因輯粹

精可誦者爲訓詁詳釋以示後學。號五子書集解。又作續近思錄。廣近思錄。皆獻之于朝。所建紫陽書院。集諸生講論正學規模次第。如在閩時。極江左人文之盛。鎮江故濱海。承平水師戰艦多入主者。囊或察驗以民船支吾聽點。無所別。先生條陳海洋舟楫分營哨商漁編列號數。又奏免揚州落地稅。民皆稱便。先是奉旨出海搜捕逸賊鄭盡心等。與蘇松提鎮查緝防範。先生慮海疆任重。勤慎有加。動輒奏聞同事。愠之。甲午乙未閒。以奏報張元隆張令濤等海案詔。

尚書張鵬翮之江南按驗劾狂妄自矜解組嚴訊擬置極刑。羈候鎮江城隍廟中。俟朝命。先生讀書著述。晝夜無閒。纂脩四書周易正宗。爲子姪講解經書。積有講義數十篇。置死生度外。俄奉命進京。陞見當事者。以同知胡某監之行。仲冬二日渡江。自瓜州至維揚。父老數百人焚香拜岸上。士民夾兩岸隨舟行。四十里不絕。乞暫停一見。爲胡同知所格。弗得近。越日過邵伯。高郵亦如之。至淮安。總河來會見。先生所乘舟朽蠹將潰。敗大驚。曰。曷坐此。若渡河。沈爾以已舟。

易之行。暮將泊清口。胡同知不許督舟子乘夜渡黃

寒心

河急雨怒風。周天如墨。濤浪湍急。人對面不相見。皆

光景如繪

曰。命畢矣。然不得不行。俄而雨霽。浪靜。星斗燦爛。如

晝。遂渡黃河。舟人皆大喜。相慶賀。先生亦不以爲意。

也。至京。召對乾清宮。明日召講。民可使由之一章。復

召講太極圖說。擢倉場總督。改倉平糶。貧民得沾實

惠。奏請設立社倉。依朱子社倉法。增益條例十六款。

奉旨赴永平經畫社倉事宜。丁酉。典順天鄉試。晉少

司農。辛丑。主禮闈。所得士來謁。必告以聖賢之學。不

可汨沒勢利實心報國無負科名河南馬營口決條
奏黃河水勢情形旨嘉之冬十月以母病乞假命于
臘月旋京便道閱河南武陟決口壬寅春召赴千叟
宴畢賜坐諭羣臣曰汝等皆大臣大臣職分當仰體
君心惠愛百姓如張伯行爲巡撫是真能以百姓爲
心者也後召對澹寧居論事久暈眩色變命大臣扶
掖以出

皇帝嗣位體恤舊臣眷注逾格外會議大政保舉大
員皆命同親王大臣在乾清門預議晉秩一品封三

代廕一子員外郎未幾遷禮部尚書先生以瀛洛關
閩五子書集解進呈

上親書禮樂名臣四大字賜焉復進續近思錄廣近
思錄及宋儒文集數種皆蒙嘉納凡朝端衡文如搜

羅鄉會遺卷考試官生翰林咸命按閱祭祀大禮如

郊壇視牲辟廂祭告向皆王公大學士之事悉命先

生行之而闕里一役追封先聖五代命以便道旋

省家鄉尤異數云錫賚便蕃有加無已緯冠蟒袍錦

得妙樂光燦爛

綺珍玩龍飛鳳舞之書玉振金聲之文松花之硯花

金之扇。西洋之鏡。內造器皿。囊香之飾。繹絡頻頒。炫黃于道。以及南方鮮荔。西域異瓜。大內新棗。參苓茶膏。時果節物。鹿羊雞魚。天厨之饌。罔不充牣。几席滿車。滿家每名進乾清宮。以年老諭旨免跪。嗣後請安諸事。多以不能久跪。免勞頓。或奏事跪久。輒命內侍扶之起。雍正三年春二月十有六日。以疾卒。年七十有五。歲遺疏請崇正學。勵直臣。爲千古第一首出之君。綿萬世無疆之福。無一語及私家事。天子悼之。遣王公大臣臨奠。加太子太保。全禮葬祭。

謚清恪。於卹典常例外。加祭一壇。詔舉朝公卿臺諫。
咸臨其喪。及殯。亦如之。所著有困學錄。續困學錄。五
子書集解。近思錄集解。續近思錄。廣近思錄。居濟一
得學規類編。家規類編。道南原委。伊洛淵源。續錄。性
理正宗。正誼堂文集。凡若干卷。藏于家。
論曰。先生之於學。可謂醇矣。流俗滔滔。沈淵滅頂。科
舉訓詁詞章。皆謂之學。彼其志不過取富貴利達。而
止。去聖人之道遠也。或稍自振拔。無賢師友之撤其
障蔽。又不免陽儒陽墨。近似亂真。爲學術人心之害。

悲夫先生自幼毅然以聖賢爲必可學志趣固已不
結○出○要○領○
侔。崇。尚。程。朱。薪。傳。獨。正。排。異。學。之。爲。程。朱。難。者。大。聲。
疾。呼。欲。與。天。下。共。正。之。卽。治。水。賑。饑。刑。兵。錢。穀。紛。呶。
糾。錯。之。會。以。及。坎。陷。交。訐。死。生。危。急。之。秋。罔。不。敬。業。
樂。羣。守。道。自。娛。所。謂。造。次。顛。沛。於。是。者。乎。自。古。大。儒。
罕。竟。其。用。先。生。際。兩。朝。明。聖。極。千。載。一。時。之。盛。與。伯。
彝。后。夔。爭。埒。矣。

崇尚正學是張公一生得力處篇首提明全文線
索在手入後絲聯繩牽處處不離其母備極結構

之精

人對精神雖率與真不辨其母辭必其

崇尚五學長觀公之

主辭大與篇首對肥全文

其用矣主辭既望辭于辨一和之益與計

樂其書首自對既而並大顯然其甚平自古大需

辭多會心及對詞文結其主辭意之煉固不始業

與天不共五之唱亦不親類所其益嫌絲如

新崇尚野未勝斯辭五其異學之為野未嫌甚大賦

悲夫夫主自餘然以望賀我必可學志微固已不

曾叔祖孝廉玉書公家傳

公諱銘璽字玉書福建漳浦人家貧落魄以族兄侍
御紫濤公占籍粵東之普寧往依之遂家於普性好
讀書立志節爲人冲雅無疾言遽色本領涵養弱冠補弟子員
登順治辛卯賢書潮帥郝尚久叛聞公名使人召致
之公蹙然曰作亂也此豈可哉其人曰非也復明耳
公曰我天朝舉人不知其他固強之弗赴人還報郝
逆怒遣其黨以兵蹙之公守義不屈集鄉壯據守東
山寨賊晝夜環攻寨破死焉闔門皆遇害鄉壯同死

○忠○義○所○感○者八十餘人子士旌在外得免邑人哀之

論曰公守義嚴正而詞氣不迫真可謂冲雅矣出之以和平行之以果決至于闔家殉難鄉閭手足亦皆視死如歸抑又何其烈烈也名教于城庶幾無愧不爲激烈怒罵却能殺身成仁此學養功深見義明決者文亦簡淨逼肖

公結餘聖字王書詠數章前入卷後者雖人效其詩

曾林賦表王書公案前

叔祖宜侯公家傳

公諱忠字宜侯福建漳浦人也。生有膂力讀書知大。
平○日○原○是○孝○子○義能孝於親配孺人卓氏尤盡婦道宗族稱之所居
村曰墩內在萬山之中故有虎患歲甲子有巨虎奇
橫往來百里內傷人不可勝計臘月十二日抵某社
一○憤○字○生○出○許○多○事○爲伏弩所傷甚憤四顧無人跳踉大叫聲裂山谷所
觸草木皆糜爛直奔墩內村過土地神廟張牙舞爪
狂○矣○齧泥像碎之居民閉戶懾息莫敢有出聲者公父元
所○以○並○及○章公叔父裕公比屋而居時漏下可二鼓皆已熟睡

虎既碎土地神猶咆哮不肯已衝撲附近人家倒其
門攫二豕啖之裕公夢中大喊虎怒撲其門以世居
山中防虎患門內植兩柱衛橫木擊之虎竭力衝撲
不可入裕公恐益大喊虎聞喊聲益大怒狂跳登屋
破瓦桷直下斃裕公糜爛其體公父元章公聞弟有
虎患發聲助喊虎復狂跳破公屋撲元章公仆地公
持長刀直前鬪虎卓孺人携杵從之虎舍父撲公公
舉刀刺虎中其咽喉刀入腹中三尺許拔刀不得出
手餘脫柄虎負痛復撲公孺人從後抱虎雙手搥虎

○竟○是○飛○虎○

更○勇○

○極○寫○門○之○固○以○見○虎○之○橫○

不○顧○性○命○亦○見○大○力○

頸虎內既重創不能自脫公持手中柄連擊數十惶
急中卒無以斃虎孺人呼曰斧公急從門後取斧竭
力連劈之比雞唱夫婦氣力皆疲瞪目熟視則虎已
死矣急視父尚臥地呻吟乃共扶入寢所以藥敷治
之天明村人屠虎得肉二百有餘斤越翼日元章公
竟死公及孺人哀痛激切喪葬悉如禮觀者莫不下
淚里中父老士大夫謀欲白其事於令長請以上聞
公泣且謝曰忠不孝獲罪於天致使父叔喪於非命
忠雖苟留殘生此心已死久矣若又因以爲名是幸
神清氣定
快暢
應請旌表
大孝純孝直是聖

○賢○學○問○

災而樂禍。忠尚得爲人類。乎敬謝。尊長切勿復言殺。虎事諸父老持之再三。公辭愈益力。僉曰姑置之。無傷孝子心也。天道有知。大節豈終泯沒。尚留以有待焉。公長於韜略。後爲武諸生以卒。

○亦○是○

論曰哀哉。宜侯公之爲孝子也。非獨公之賢。卓孺人尤不可及矣。舍生救父。避旌表以爲名。幸災樂禍。數語聞之而不墜淚者。非人也。當殺虎時。鼎元幼未能知。後十七年。從族兄唐民先生受業。始得其詳。距今壬辰秋。又已十有三年矣。家乘未登。懼將湮沒。不揣

固陋粗爲敘次以俟載筆者採擇焉幽光潛德歷久
彌新公雖不欲以孝名而名卒不可掩人亦何靳而
不爲孝哉

敘殺虎處亦如鉅鹿之戰觀者股栗矣摹寫入神
淋漓盡致殆顧虎頭王摩詰之畫乎○孺人呼曰
斧筆法從史記荆軻獻地圖來妙妙

叔祖福建提督義山公家傳

公諱理字義甫號義山福建漳浦人少桀驁自大不

屑與羣兒偶長益卓犖偉軀幹虎頭燕頤巨目豐頤

繪出英雄圖像

口可容拳力舉八百鈞足追奔馬曳其尾倒行刀盾

鎗砲靡不精絕時拊腹跳叫曰丈夫不封侯拜將非

人也年十六無以資生或勸之業染笑曰君子固窮

吾姑試爲之設缸置醃收里布躬染濯一日遇族叔

激厲之

贊皇于道見手青問何爲以實告贊皇怒舉扇撲其

額罵曰天生一具銅筋鐵肋不立功萬里外作此不

肖可鄙公矍然歸持斧擊斃缸破之集族中雄健者

十五人謀曰我欲爲國家出力顧世莫我知無尺寸

憑藉今海寇盧質擁衆岱嵩井尾間荼毒生靈我與

若往殺之官以我爲能必聞於朝用我矣皆曰善遂

行出洋尾橋招邀得五十人至岱嵩屯駐盧質居井

尾隔一江遣二小賊遊巡公傳言吾欲與質鬪令質

來質聞率衆三百至公唬然大笑曰人言盧質英雄

僞耳質曰若何名公曰豈不聞藍理質曰乳臭耳吾

安得聞之公曰吾素聞若勇今始知若非勇若所恃

爽快

開場奇特

數語調

三百人耳假令二三百人弗動手獨若隻身與吾
鬪吾擒若矣質喜曰有是哉令軍皆壁立毋擅動質
與公各攜籐牌短刀躍出沙場鬪百合不分勝負盧
質有名劇賊身長七尺餘白面長鬚揮刀盾如閃電
則對手可知百夫莫能當其勇見公少年心易之至是始知爲勁
敵悉殫其技不能勝公度質氣餒忽虎吼大呼曰着
之矣質愕然趾出盾外公截其趾顛遂斬之謂其衆曰
敘次神似左國降者免賊衆皆降其副王都聞之亦降公議馳詣郡
中計了獻功都請緩數日言有仇欲報實潛出剽掠後以傷

卒公始自詣郡

遲矣

郡中當事方疑公作賊又慮海寇侵

擾戒嚴公指天誓日言屠賊狀弗信逮公于獄雜羣

賊中鞠治之爰書置極刑屆期將斬計王十有三人

議留一人緩死待後來者令掣簽公曰死則死耳何

壯士氣

掣爲羣賊向前競掣之遺一簽于地公曰地上者予

亦奇

我官揭視之乃生字由是五十二人皆斬而公獨留

更奇

久之同繫有謀越獄者事洩當斬將及公迅雷忽作

晝昏似夜當事度其冤乃止然終不能出獄公亦晏

然無出意日束芻捆屨以爲食康熙甲寅靖藩耿精

忠○叛○悉○縱○繫○者○令○更○衣○赴○藩○下○授○職○公○曰○我○豈○從○賊○
作○亂○之○人○哉○間○道○走○上○游○出○仙○霞○關○聞○親○王○統○大○師○
討○逆○星○馳○迎○之○具○陳○平○閩○策○王○嘉○其○忠○令○隨○征○爲○前○
導○屢○立○戰○功○奏○授○松○溪○營○遊○擊○未○幾○遷○灌○口○營○叅○將○
灌○口○地○當○孔○道○軍○興○旁○午○供○億○甚○繁○閩○督○姚○公○啓○聖○
駐○漳○籌○海○每○使○過○有○誅○求○公○不○應○且○執○而○鞭○之○由○是○
諸○使○皆○譖○公○姚○糾○公○虛○兵○冒○餉○革○職○永○不○敘○用○公○有○
卒○鬪○殺○人○當○死○公○憐○其○母○寡○無○昆○弟○白○之○官○曰○殺○人○
者○我○也○卒○無○罪○得○免○死○置○公○于○理○公○在○獄○又○經○年○始○

獲釋。歲癸亥。朝廷以鄭氏機○會○轉○國○父子竊踞澎臺。數侵擾。

泉漳。為邊患。議大興師。命靖海將軍施公琅往剿。

滅之。施名宿老將。善用兵。聞公英勇。奏請隨師平賊。

檄署提標右營遊擊。領前隊先鋒。公喜得遂報國。

志。日在廈門練習水戰。教演行陣。有二卒出市薪蔬。

遇將軍標噶叭什。觀劇使酒。擒二卒撻之。併詆公革。

職之員。不可為將卒歸愬。公笑曰。汝曹鬪毆常事。且。

問汝勝耶。負耶。卒曰。受撻耳。何敢爭勝負。公怒。命斬。

之。曰。汝二噶叭什。不能勝。何能殺賊。卒呼冤曰。我等。

○忙○中○着○閒○

○大○奇○

以主帥內標姑讓之請復與鬪如不勝願斬公縱之

其氣

更奇

再鬪曰勝矣大勝矣喜命二卒仆門板上刺一雞淋

之舁以隨往見將軍請發噶叭什二人者付懲治施

侃侃而談辭嚴義正

公不可公固請曰今行軍用人之始士卒不敢愛軀

命為將軍出死力將軍宜一體撫恤之惟公惟溥可

服人心噶叭什小輩恃將軍親暱無故鞭撻士卒且

當衆大言謂某革職之員不堪為將損先鋒威重搖

迫以不得從

惑衆心將軍不發此二人付某懲治恐軍士人人解

此著出人

體也施公不得已付之公馳至營遣卒賁公文飛報

將軍○意○外○曰今日上吉先鋒啓行殺賊卽詣海岸祭江鄉

○如○穰○苴○之○斬○莊○賈○此○時○軍○威○百○倍○

噶叭什二人斬之轟然大砲九聲順風揚帆而去施

公聞之不悅旣而曰虎將也必成功命治裝統諸軍

繼之公帥師直抵澎湖鄭氏將曾遂等以數萬衆迎

敵戰艦蔽江公奮勇與戰自辰至午益力忽有賊砲

斜飛過公腹公偃曾遂呼曰藍理死矣公次弟瑤從

○急○着○

背後扶公起立公空拳虎吼大呼曰藍理在曾遂死

○辟○易○萬○人○

矣喚草茵持刀來連呼殺賊者三聲如巨雷舟中軍

○英○勇○

士皆氣壯無不一當百草茵族子法別號也持刀授

公見公腹已破腸流出外爲掬而納諸腹中公四弟
寫出倉皇光景各人神氣逼真
瑗傳以衣五弟珠持匹練連公腹背交裹之公大呼
危急之秋
殺賊不暇顧伊時賊舟競進以鐵鈎鈎住公舟我師
亦飛鈎鈎賊舟火箭火龍火罐彼此對擲烟燄漫天
賊中有飛天鼠者沿大桅而上伏篷陰啣刀捫繩負
篷而立羣賊轉篷向外則持刀飛跳下我舟公弟瑤
揮刀斬之賊人氣喪我軍賈勇先登公命以火藥桶
盡傾賊舟燔斃賊無數沉其二艘賊大敗逐北數十
酣暢
里棄械浮屍盈海面遣弁赴將軍報捷施公大喜拜

疏上公首功。親至公舟慰勞。有紅燄醫藥。極神效。命
醫公。醫言。須七日勿動氣。乃可平復。施公曰。大功已
成。安臥十日可也。其後施公將戰。戒左右勿使公知。
將帥齊出。千艦競奮。賊悉銳拒我師。日中小却。施公
以大衆犁之。過猛艦擱淺沙。不能動。羣賊環焉。施公
寫出老將本○事○故善戰。神閒氣定。不以遇淺故挫。刎賊見篷上書中
軍二字。弗知其爲施公。遙望總兵吳公英一船。高牙
黃纛。甲帳甚盛。以爲此真將軍。多趨赴敵。然潮漸退。
淺益甚。施亦未得突圍出。謀者飛報公。左右偶語曰。

將奈何。公聞問。故紿曰。無之。公拔劍起。大驚。乃言。將
軍遇淺。被圍狀。公傳令往救。左右弗能止。遂行。時諸
將所乘舟。皆書官爵姓名。篷上字大二尺許。遠難辨。
獨公舟止書藍理二字。字方廣各二丈。賊遙望見。相
謂曰。藍理來矣。稍却。公追擊大敗之。奪賊舟。請施公
更舟。施執手慰勞曰。愛我也。但醫言七日勿動氣。是
以戒左右。無令公知。今方三日。奈何遽動。公笑曰。主
帥被圍。吾安忍偷生。卽瘡裂以死。亦有天定。無悔也。
於是與施公乘勝殺賊。賊大敗。死傷不計。窮追至西。

嶼頭賊退守城壘不敢出施復拜疏上公功數日公
瘡平復與施謀出輕師以擾之賊數敗首尾不能相
顧大困弗支鄭克塽聞之懼遣使納降我師入臺灣
百姓安堵海疆底定大功成矣朝旨以公血戰破敵功在首
先遇缺先用而公以二親且老乞歸省弗赴孝未幾丁
父艱服闋又越二載戊辰始入都過趙北口遇
聖駕出水圍將迴避騎凝立道中弗肯行鞭之數十
不動乃舍騎步入梁園中

駕至遣侍衛問誰騎公乃出曰臣監理從福建來者

上問是征澎湖拖腸血戰之藍理否公奏曰是

上曰來何遲也召至前問血戰狀解衣視之以

御手撫摩傷處嗟歎良久復召至行宮極慰勞

廷議授官部臣以公革職閒員擬守備弗可擬遊擊

叅將俱弗可乃擬授陝西神木副將賜帑金三百

兩未行員○驟○遷○大○鎮○足○見○待○功○臣○之○厚○特授宣化府總兵官挂鎮朔將軍印越三

載以海洋多盜調補浙江定海鎮在浙十餘年四署

理提督事兵民相愛山海肅清修定海文廟祀忠烈

墾荒蕪築道頭通洋舶海外蒼黎欣欣大有起色焉

尤重斯文。禮賢士。諸生。單寒者。必周恤。培植之。鄉會。

大比。皆資行李之費。浙人士籍籍弗衰。每遇。

上南巡。接駕。或入京。陛見。恩眷之隆。羣臣無比。

上常向諸王大臣言。公拖腸血戰狀。又引見。

太后曰。此破肚總兵也。蓋愛公如家人婦子。賜賚優。

渥。不可悉數。公每敷奏侃侃。指畫或手舞足蹈。

上嘉其真率。手書所向無前。及勇壯簡易匾額。

賜之。尋以天津爲京東重地。調公鎮守。公以畿輔產。

米無多。而天津一望平原。皆沃衍閒曠。可濬河引水。

此是絕大經濟不意

○千○武○人○得○之○
開灌稻田率兵疏鑿躬胼胝負土築堤市牛種農具
募民耕種得水田數百頃歲收稻穀
上俱以賜公丙戌遷福建陸路提督調公五弟獨石
路叅將珠赴天津接管營田事公至閩見桑梓父老
欷歔太息道及微時顛沛事慨然有廣厦千萬間盡
庇寒士之意地方鼠竊盜賊搜除廓清盡撤街巷柵
欄曰此非弭盜乃弭捕盜者漏下三鼓城門洞開民
間夜户不閉行旅戴星往來遺貨物于道無敢拾取
數郡人民安樂之時詢疾苦聞文武胥役弄權舞弊

以及勢豪大惡訟師土棍腴削人民悉關白當事按

禍根萌矣

法區處親近者竟自治之堪輿家言漳郡人文鬱塞

乃後山仙殿壓學宮地脈東南田裏港未築水門直

勇于爲善

瀉所致公毀仙殿大興工役填築田裏港又以江東

橋被賊斷後險渡狂瀾民苦病涉倡修江東大石橋

二役費須鉅萬公偕諸文武官紳捐貲不足則以郡

此亦美舉但權出有司則無流弊

人之不孝不弟爲富不仁者罰出鍰附益之又狹小

此可不必

市廛制度築漳州浦頭石碼泉州新橋安海沙溪塗

嶺行舖千百間大開街衢便民貿易常曰以地方不

義之財爲地方萬民之利。可以勸孝弟抑豪強轉移風化莫善於此。或曰：此有司事，非所宜。公怒曰：天下官管天下，百姓腐儒何足以知之？由是告訐不法事者日接踵差弁勾攝絡繹於道，而假威藉叢之輩紛紛四出，富人重足而立矣。公左右親暱多陰交泉郡土穴，偵訪素封，詭稱公令恐嚇之，獲利無算。或遇豪黠不聽從，則以抗拒爲大辱，又不敢明目向公言伺公遊行處，隔牕偶語，故作嗟歎不平聲。公聞問故，則故匿不言，再問尚吞吐其說，似絕不經意者。公性急

不能休乃言某某爲富不仁極害人不堪之處或暴

說鬼話

橫孤寡諸非人類所爲事公曰豈有此理世間無官

是激之動氣

中計了

法耶復極言勢力浩大官吏莫敢撓公曰治之則後

此諸事皆公所爲其人不能支必請托左右納賂求

解凡出入公門者皆致富而惡名盡公受之泉郡勢

豪如公者刻匿名帖繪一虎以比公多列條款傳播

京師聲名大壞辛卯秋以漳平陳五顯盜案解任壬

辰入都值覺羅滿公保出撫閩據虎帖叅劾

上命侍郎覺公和托廖公騰燧偕總督范公時崇巡

撫滿公保並按之左右不肯承公曰吾大臣何必辯

舉筆署曰皆實擬極刑追贓八萬家產皆籍入官

聖恩

上念公功免死挈家歸旗俄以西藏用兵命之軍

前効力有進戰退守移營就糧數事合機宜

上深嘉之赦免所追贓而聞中家產俱經有司變鬻

無益

一空無復有立錫地矣越數載以老得賜還京康

熙五十九年卒年七十二公生平躁急性發如雷霆

過卽忘之無藏怒宿怨劇談大笑聲聞里許惟好自

肖神

尊大不服人尤善罵凡權勢赫赫位在其上者多倨

侮挫之。以示天下莫已。若遇才人傑士。雖寒賤徹骨。

○所○及○

亦必折節禮下。以此人服其藻鑑。敎家勤儉衣食粗。

糲無所擇。家奴悉珍饈。自奉草蔬。敗肉皆留。以待公。

○豪○興○

公亦甘之。好書大字。濡毫伸紙。有求無不應者。諸弟。

皆以平臺功加左都督。最著者次諱瑤。公功烈居多。

未仕卒。四諱瑗。公仕至福建金門總兵官。亦喜書大。

字。拳能入口。揚眉一躍三四丈。五諱珠。公累官叅將。

英勇不讓諸兄。而好學聰敏。能背誦朱子綱目。始終。

○奇○特○

不遺一字。文人畏之。公有子六人。長國英。歲貢生。次。

文魁太學生。早卒。三國庭辛卯科副榜貢生。以軍功

候選郡司馬。四國定歲貢生。五國柱。六國柱。皆効力

禁門。並授京營千夫長。康熙六十一年壬寅秋。賜

聖恩深厚全始全終

公家屬出旗。仍還閩省。爲民籍。護其喪歸葬。

非阿

論曰。公一代虎將也。起草茅建奇勲。生平舉動種種

所可憐處在此

異人。可不謂非常之傑乎。使公稍謙慎。自持或官非

梓里。急流勇退。千載猶將慨慕之。以好大喜功。卒爲

左右所蒙垢。晚節弗完。深可惜也。然公之奇氣終不

武臣所重不在飲水茹

可沒。拖腸血戰功在社稷。未可以儒者潔清之操墮

○蔡○如○韓○彭○李○郭○皆○然○此○爲○平○心○之○論
國家干城之彥庶幾乎論得其平哉

寫得英雄神氣如龍虎不可捉摸中間收盧質斬
噶叭什拖腸血戰入閩發揮數段俱極非常出色
起司馬子長于今日握管叙次不知作何鋪排恐
亦是項紀後有數文字未必可多得也

阮驃騎傳

阮蔡文字子章號鶴石閩之漳浦人父曰魁居下魏鄉以海氛遷徙苦徭重轉之江西生文于南昌寄籍新喻文幼警敏年十一卽能屬文然性剛以膂力自貧喜弄刀盾隣兒皆畏下之子三補新喻諸生以貧甚隨父耕作父購得蠹壞綱目授文讀冬無絮文攜斧斲樹根累百斤者負歸坎地藝而圍之父沒教授村童以養其母二十四登江西庚午賢書數上春官不第留心經世所至南北山川阮塞險易沿海島澳

遊魂屈穴以及東南諸蠻夷情狀利害無不瞭瞭胸

○閑情○致滿紙聲光

其鄉語楚咻吳越閩廣方言苗搖鴟鴞侏儻之音入

其鄉卽與之化肖其聲調口角莫能辯爲何方之人

提出知已

也旣落擴無所用周遊餬口與武人吳郡交相善文

族父欽爲爲台州副將拜興汀總兵官偕郡往依之

文任書記郡爲小校兩家母通往來飽飯坐之堂上

○笑雄至性並足千古

擊鼓長歌以爲笑樂郡事文母如母郡母亦視文如

子雖親昆弟無以逾也未幾文以母沒扶櫬挈家還

浦時浦令陳汝咸率邑人爲講經之會月兩期文攘

臂前席高論古今治亂得失救時急務同學避之丙

戌後讀書都門已丑被放南還抵三山閩撫張伯行

學術

邀入鰲峯講洛閩之學分纂先儒諸書或勸文離家

五載宜遄歸文曰正學失傳久矣斯會可多得耶顧

吾方謀葬母亦當歸耳還至海澄距家不百里芒鞋

孝

布襪遍歷山原為母求葬地風餐露宿四閱月得地

陳上平系也

于陳坑將發紼之前二日乃返舍其明年漳泉諸郡

饑文將有姑蘇之行傾囊以資族人之下魏者酌

仁

親疎計口多寡分給之謂其子曰吾非不念汝曹顧

此○皆○吾○祖○宗○之○子○孫○吾○與○汝○同○源○共○本○者○也○脫○二○日○
不○舉○火○非○填○溝○壑○寧○免○散○之○四○方○哉○時○吳○郡○已○爲○定○
海○大○帥○詔○截○江○浙○漕○米○三○十○萬○石○由○海○道○入○閩○分○
賑○文○自○姑○蘇○趨○如○浙○偕○吳○郡○分○運○五○萬○石○揚○帆○先○至○
漳○泉○之○人○賴○焉○以○功○晉○秩○一○級○壬○辰○冬○十○月○海○賊○陳○
尚○義○遣○其○黨○赴○兵○部○乞○降○時○陳○汝○咸○爲○御○史○奏○請○自○
往○招○撫○薦○文○與○俱○詔○御○史○駐○錦○州○賜○文○帑○金○衣○
裘○加○二○級○偕○千○總○駱○南○左○其○彪○等○入○海○遇○颶○風○大○作○
駱○南○一○船○飄○失○不○知○所○往○文○船○折○檣○幾○覆○溺○數○四○舟○

人大恐文怡然曰我等爲朝廷招捕寇靖海疆雖
葬魚腹不猶愈死兒女子手耶至登萊易舟踪跡所
在則遊奕盡山花鳥間文直上賊艘見尚義開示威
信聲情慷慨賊黨有疑貳欲刼文颺去者憚文丰裁
未能決文陳說利害遂悉衆降由寧波登岸則吳郡
已爲浙江提督遣官弁護至京師召見便殿
上問文書生此行良苦頗驚怖否文奏言臣仰仗威
靈頑梗革心無所怖更問沿海事宜條對甚悉議功
晉州牧選雲南之陸涼未行改授福建廈門水師中

○與○上○怡○然○應○

○動○

○大○將○舉○

○又○附○

營○叅○將○則○以○文○材○武○可○大○用○而○大○學○士○李○光○地○亦○奏○
稱○其○猷○略○故○也○厦○門○距○家○百○餘○里○利○弊○纖○悉○無○不○知○
通○關○梁○除○盜○賊○動○合○兵○民○意○紅○彝○市○舶○故○驕○橫○上○者○
貪○其○利○多○爲○所○玩○一○日○有○互○市○者○真○賈○輕○重○不○相○中○
一○船○拔○刃○以○譁○軍○吏○惶○急○不○知○所○爲○文○單○騎○往○縛○譯○
榜○之○爲○評○其○直○皆○羅○拜○次○日○其○酋○率○衆○謝○承○筐○多○儀○
免○冠○以○獻○文○大○陳○武○威○坐○堂○皇○召○之○入○語○以○
威○化○呵○責○其○厲○皆○不○敢○仰○視○復○椎○牛○置○酒○饗○之○庭○廡○
所○獻○儀○物○悉○遣○還○由○是○諸○彝○畏○服○明○年○調○臺○灣○北○路○

○不○嗜○殺○真○英○雄○器○量○自○是○不○同○

不○貪○財○

營參將諸羅令周鍾瑄才名吏治爲海疆冠文一見
如舊交和衷共濟戢吏卒撫番黎捐金助建學宮城
隍悉除所轄陋規部位器甲簡閱整齊躬巡歷沿海
增置要害營汛北路地方千里半線以上民少番多
大肚牛罵吞霄竹塹諸處山川奧鬱水土苦惡南崁
淡水窮年陰霧罕晴霽硫黃所產毒氣薰蒸鄭氏以
投罪人庚寅始設淡水防兵及瓜生還歲不能三之
○并○一巡哨未有至者文決計往部曲皆涕泣強諫文曰
不然臺雖彈丸實閩之安危淡水又臺之鍵鑰也由

淡水至福州利風一日可達民番錯襍亡命者日多
不熟知其里道情形何以控制調度自齎帳落具脯
糒日或于馬上成詩夜燃燭紀所歷地里山溪風候
土俗爲文以祭戍亡諸將士悽愴激烈聞者感泣山
谷諸番具牛羊酒食迎餉道旁文悉慰遣無所受名
儒○將○風○流○
社學番童坐幕下與之語曰我汝師也勿懼能背誦
四書者旌以銀布爲講解君臣父子之大義反覆不
倦諸番皆感悅竟以中瘴氣歸而病瘡遷福州城守
副將赴京道劇卒于宿遷年五十文偉軀幹黝面闊

口好劇談大笑鬚眉俱動讀書忘寢食有時賓朋滿
座朗誦高吟或展卷喜動眉梢失聲揮淚戟手怒罵
嘗曰吾見古人之忠孝節烈恨不起其人於紙上而
神妙筆拜之跪之也見古人之悖逆奸回恨不起其人於紙
上而烹之磔之也爲文章不假思索對客揮毫數千
言立就詩以韓爲宗然其志在經濟事業欲以設施
見長故著述無多所遺淡水諸作補筆妙南北海道盡山花
鳥等記耳平生無留錢或贈之千金以葬母輒盡在
官二十有四月未嘗取兵民一粒一絲運米及招撫

時所過當道以文需次閒員爲國宣力慮資斧弗繼
輒贈金帛文悉却之曰吾不以

天子之使受人憐也沒後妻孥饘粥不充無一廛之
宅然素淡泊亦不見爲苦云

論曰阮鵠石全才也粗豪曠爽有湖海之氣望之知
爲英雄耳其沈幾權變肆應詳密非與共事不可得
窺測也使竟其用經濟事業豈必多讓古人天奪之
速則不解其何故矣世所傳造物忌才吾始不信悠
悠天下人才難得又困苦沮抑之不使展盡底蘊是

天既不肯多生才生之復不愛惜之則謂之忌也亦
宜。

筆筆傳出英雄本色面目如生毛髮俱動九原有
知當必掀髯大笑曰知我心也

吹當必辨聲大笑曰吹非必曲

筆筆劃出其勢本可面目吹主手變財鍾大泉百

宜

不計其本主之財不愛謂之限贈之品也亦

游遊戎傳 蔡章琦附

游崇功字仲嘉福建漳浦人也。幼喪母。事父以孝聞。
兄尚功任湖廣辰州守備。終廣東肇慶都司。崇功材
力雄健。有遠志。操行不苟。年二十九。從蔡老虎鎮襄
陽。老虎器之。拔右營把總。老虎亦漳浦人名。元屢任
總兵官。以善戰為敵所懼。故海內稱蔡老虎云。崇功
既得官。益勵志節。歷千總。秩滿。遷福建長福營右軍
守備。分防長樂縣。縣濱海。有磁灣。為賊艘出沒之區。
崇功廉得其狀。以兵二百伏仙峽塘要口。復率兵捕

○一○生○本○領○

○伏○志○節○

○并○詳○老○虎○史○家○長○拔○

之賊棄舟登岸。伏發擒十七人。獲其舟。自是島灣肅然。○
○然。癸巳夏。長樂水災。民艱食。崇功憫焉。躬之會城。見
○勤○民○事○
巡撫覺羅滿保。請發粟平糶。許之。卽遣往羅源轉粟。
回縣濟民食。邑人始安。滿保以爲能。比遷閩浙總督。
卽以調補臺灣北路營守備。訓練兵衆。輯和其民。人
諸俗健鬪。動輒挺刃相加。歲旱爭水。如臨大敵。崇功
親爲和解。均水道。競者以平。協修學宮。建無祀壇。凡
勤民事多此類。諸羅之人深德之。三載瓜期。遷海壇
鎮右營。遊擊海壇。故多盜。崇功巡緝外洋。遇賊舟窮

追○力○戰○擒○賊○陳○阿○尾○等○六○十○餘○人○滿○保○益○器○之○復○題○
調○臺○灣○水○師○左○營○遊○擊○康○熙○六○十○年○辛○丑○夏○四○月○臺○
灣○土○賊○朱○一○貴○作○亂○逼○郡○治○崇○功○方○巡○哨○北○洋○月○之○
廿○八○日○在○笨○港○聞○報○以○兵○還○赴○安○平○次○日○至○則○羣○盜○
已○大○猖○獗○而○文○武○守○臣○眷○屬○悉○在○舟○中○矣○崇○功○曰○官○
者○兵○民○之○望○官○眷○登○舟○則○兵○民○心○散○大○事○去○矣○急○登○
岸○赴○敵○其○壻○蔡○章○琦○叩○馬○請○一○過○家○門○區○處○眷○屬○崇○
功○厲○聲○曰○吾○此○身○已○許○○與○忠○臣○朝○廷○今○日○遑○知○有○家○哉○躍○
馬○麾○衆○竟○去○前○後○連○戰○殺○賊○甚○多○五○月○朔○日○黎○明○賊○

衆數萬戰于春牛埔。總兵官歐陽凱失利。及副將許
雲皆戰死。崇功從容無懼色。突圍衝擊。手刃百十人。
乘馬被創。遂死焉。時年六十。及臺平。朝廷贈秩。修
子以旌其忠。

蔡章琦字又韓。游崇功子壻也。其先浙江餘姚人。隨
父官湖廣之穀城。因家焉。援例充太學生。家中落。以
康熙五十九年。攜孥渡海。就食崇功官舍。章琦爲人
慷慨。有志節。能爲詩。崇功甚愛且敬之。朔日。旣暮。聞
崇功陣亡。喟然嘆曰。吾嘗讀聖賢書。今日可不死哉。

遂赴海而死

論曰游崇功歷官三十餘載未嘗營補筆一畝之田數椽

之屋以武職而勤民事所至有能名是不必待沙場

馬革之日早知巍然志節丈夫矣帶出陪客具不忍蔡章琦太學諸生

蹈海成仁洵無忝游家壻也同時北路叅將羅萬倉

戰死有妾蔣氏投繯完貞德盛化神之世士女皆知

忠義立志節豈不偉歟余欲爲羅蔣立傳不能悉其

家世里居及生平事蹟尚闕有待

叙次簡淨覺精神躍躍行墨間是史家擅長處

孫太南家景辭中鄉黨計墨間長之宋劉子良

老身里語及士平章前山園自書

春希聖賜詩豈不計效令為之羅陳立新不貽悲也

序平章家錄八封題了自書外輒之世士文皆

體無不備無不備不世也同觀北都卷中皆高食

出草之早映應與古詩同古人亦喜此本望臨主

多星以左鄰而謹為事而全而諸公或不以青也

論曰張氏內聖宮三十餘種未嘗營一編之四好

卷以就而

李台傳

李茂吉本姓江福建漳浦人也。欲落不羈家素貧弗
有○大○志○屑治生業與弟江尚皆從戎邊省將帥相沿懶更兵
籍每名募入伍則指一空名畀之以故茂吉姓李而
江尚兵名侯鵬皆不得姓本姓云茂吉由海壇鎮隊
目以班渡臺屬水師副將許雲麾下雲一見大奇之
○英○雄○識○英○雄○康熙五十八年秋九月薦于鎮帥歐陽凱凱考驗材
技出衆轉薦提督施世驃總督滿保授安平鎮中營
把總茂吉不以官小自卑奉職甚力岸然有大志稍

委○靡○事○皆○不○爲○朱○一○貴○之○亂○茂○吉○自○請○于○副○將○許○雲○
乞○一○旅○率○弟○侯○鵬○爲○前○驅○殺○賊○時○羣○賊○蜂○擁○逼○郡○郊○
雲○聞○警○欲○躬○赴○援○遂○以○茂○吉○從○四○月○晦○日○戰○于○萬○
壽○亭○茂○吉○虎○吼○雷○奔○直○入○賊○陣○左○衝○右○突○所○向○莫○能○
○精○神○活○現○
當○賊○退○屯○竿○津○林○五○月○朔○日○復○隨○雲○在○春○牛○埔○迎○敵○
杜○君○英○朱○一○貴○合○兵○圍○殺○鎮○帥○歐○陽○凱○死○焉○守○備○胡○
忠○義○千○總○蔣○子○龍○把○總○林○彥○石○琳○皆○戰○死○獨○水○師○弁○
兵○不○少○挫○許○雲○游○崇○功○自○分○必○死○率○千○總○林○文○煌○趙○
奇○奉○力○戰○茂○吉○奮○刃○大○呼○賊○披○靡○僵○尸○匝○地○自○黎○明○

戰○至○日○中○矢○窮○砲○盡○雲○崇○功○文○煌○奇○奉○皆○戰○死○茂○吉○
亦○力○竭○被○擒○矣○賊○擁○之○演○武○亭○見○渠○魁○戴○穆○茂○吉○挺○
立○昂○然○穆○怪○其○不○跪○叱○之○曰○若○兵○耶○茂○吉○曰○官○穆○曰○
把○總○微○官○耳○若○壯○士○降○當○以○汝○為○將○軍○茂○吉○瞋○目○厲○
聲○罵○曰○死○賊○我○○兩○字○許○朝○廷○命○官○豈○肯○從○汝○作○賊○遺○臭○萬○
世○耶○舉○足○踢○其○案○案○翻○奮○力○斷○縛○直○前○欲○奪○刀○殺○賊○
賊○衆○舉○刀○共○斫○之○頭○腦○破○裂○尚○痛○罵○不○絕○口○賊○怒○碎○
其○屍○時○年○三○十○九○侯○鵬○被○傷○不○死○潛○匿○民○間○覓○兄○屍○
數○日○不○可○得○大○師○入○鹿○耳○鵬○隨○軍○殺○賊○遍○訪○諸○埋○屍○

所發視皆非。遇與茂吉同擒之。舊兵蔡爵乃得其詳。以茂吉妻許氏及三歲兒江忠還漳浦。總督滿保出帑金賞恤之。拔侯鵬把總復姓名武。明年奉旨旌忠廕一子。

論曰。官以盡職爲榮。李茂吉雖末弁萬戶侯。安足道哉。罵賊不屈。百世下凜凜如生。常山睢陽當羈然孺子。可教矣。臺變殉難諸臣。惟茂吉最烈。若許雲。歐陽無傳者亦

存其名示不忍泯沒之意

凱。叅將羅萬倉。遊擊孫文元。守備胡忠義。馬定國。千總林文煌。趙奇奉。蔣子龍。陳元把總林彥林。富石林。

皆捐軀報國不爲苟且偷生欲一一爲之立傳惜乎
爲之子孫者愧否

未由知其生平事蹟也

是氣所磅礴凜冽萬古存史筆傳神亦極酷肖

